



E VII

18/m

VIII







**MECHANICA  
MORBORUM**

MECHANICA  
MORBORUM

MECHANICES  
MORBORUM

Desumptæ

A MOTU FEBRIUM

AUCTORE

JOANNE BAPTISTA

MAZZINO

Philosopho, & Medico Brixiano.

*Pars Tertia.*



BRIXIÆ, MDCCXXVII.

---

Ex Typographia Joannis Mariæ Ricciardi,

SUPERIORUM AUCTORITATE.



# MEMORIAL

Delivered

at the

ANNUAL

MEETING

OF THE

AMERICAN MEDICAL ASSOCIATION

1907



CHICAGO, ILL.

1907



*Cum quatuor illa sint , ex quibus compositum est corpus terra , ignis , aqua , aer , horum naturalis excessus , defectusque , & ex proprio loco in alienum translato , per quam , quod sibi conveniens est non tenent ; intestinam quamdam seditionem , & morbos inferunt ; quando enim præter naturam unum quodque fit , aut transfertur , calescunt utique , quæ non frigebant , arida madent , gravescunt levia , & cætera omnia similiter permutantur ; solummodo verò idem aliquid sibi met secundum idem , atque similiter , & debita proportionem servata accedens , vel decedens , permittet se idem sibi ipsi sospes , integrumque manere , quod autem aberrat , sive accedendo , sive decedendo mutationes varias , morbos , corruptiones infinitas inducit.    Plato in Timeo.*



AMPLISSIMO SENATORI  
**ALOYSIO PISANO**  
ÆQUITI,  
ET D. MARCI PROCURATORI.

JOANNES BAPTISTA MAZINUS  
D. D. D.



*I quis in divulgandis  
operibus suarum artiū  
apud homines gloriari potest, ego is sum,  
qui in libello hoc de Mechanica Mor-  
borum desumpta a motu Febrium tuum  
præ-*



*præstantissimum Nomen inscripsi ; eundemque ipsum Tibi SENATOR AMPLISSIME consecravi : neque tamen ad decus atque ornamentum harum lucubrationum Familiæ tuæ splendorem, nobilitatemque prædico ; non rerum gestarum gloriam, non omnes honores, qui tum Venetiis, tum Romæ generi delati sunt Tuo, non Heroas commemoro, qui ob virtutem, gloria, & laude vivunt. Hæc tam magna, tam illustria, tam singularia, ii dumtaxat pro dignitate laudent, qui in eodem, & uno Viro, ad quem sua opera instituunt claritatem omnem, amplitudinemque nequeunt admirari. Equidem si id mihi accideret, exornarem optimum illum atque invictissimum Virum, qui cum Ligures Venetam Rempublicam*  
*maxi-*



*maximo illo , & fortissimo exercitu obsi-  
derent Imperator delectus fuit , in quem  
unum se tota converteret Civitas , quem  
Senatus , quem omnes ordines , quem So-  
cii , quem cuncta Italia intuebatur ; in  
quo Patriæ salus nitebatur , qui scientia  
rei militaris , virtute auctoritate , fæli-  
citate hostium copias repulit , profligavit,  
occidit , & Reipublicæ gloriosam victo-  
riam consequutus est . Placeret antiquis  
repetere recentia facinora Laurentii illius ,  
qui Cretæ ab ictu tormenti bellici vulnera-  
tus immortalī laude , ac gloria è vita deces-  
sit ; Commendarem clarissimum , majo-  
rumq; suorum simillimum Fratrem tuum ,  
per quem Imperatorem Corcyra Turcarum  
obsidione terra,marique liberata est , & huic  
mors ob Rempublicam habita honori fuit .*

*\**

*Laudi-*

*Laudibus efferrem Fratrem item alterum Carolum fortissimum, & sapientissimum Equitem, qui armis, & toga, belli domique admirabilia facinora effecit, cuius Præfecturæ quam sapientia, consilio, magnificentia illustravit, recordatio, & memoria Brixiae jucundissima est: mihi in primis; in eam enim benignitatis consuetudinem venit, ut mihi insigne, ac singulare beneficium contulerit, me illustri gratia exceperit, meas preces audiverit. Illum denique Senatorem præstantissimum Hermolaum qui magistratum, & dignitatem, & decus sustinuit, omni illustri laude celebrarem. Verum inter Fratres Laurentium æquè non est animus præterire Senatorem amplissimum, & gravi virtutum genere celeberrimum. Hos*  
*alios-*



aliosque non ita paucos commemorare possem, si ea in te uno, quæ cæteri Scriptores ante oculos ponere solent, non videremus: Tu enim verò cunctis suffragiis non majoribus tuis, atque audita nobilitate, sed moribus, & virtute perspecta Senator, Eques, Divi Marci Procurator effectus; Tu Legatus iterum, & sæpius ad Reges a Republica missus; Te Parisiis, Te Anglia, Te Mediolanum semper est admiratum, semperque amavit: labores in negotiis, celeritatem in consiliis, industriam in agendo, vigilantiam in providendo, gravitatem cum humanitate conjunctam, splendorem sine animi elatione, comitatem sine generis ignobilitate, morum elegantiam sine simulatione, ingenium sine gloriosa ostenta-

tione, qui non suspexerit, fuit nemo :  
Te in honorificentissimum Sapientum Col-  
legiū cooptarunt : tuo sermoni, tuo scien-  
tiarum amorī vertendum est, quod Pata-  
vino Gymnasio præsides. Quarum virtutū  
imago in filiis cernitur, quorum alterum  
quamvis florentem ætate Gallica Legatio-  
ne dignissimum putaverunt ; alter verò a  
puero, Ludovico XIV. in amore, atque  
in deliciis fuit ; sed quamvis in viam il-  
lustrem, atque latam ingressus sim, ta-  
men, ne, aut in simplici meorum labo-  
rum dedicatione laudationem scribere vi-  
dear, aut tantam virtutem, ita firmam,  
ut omnia præter laudes ferre possit, offen-  
dam, aut quis me arguat ea prosequutū  
fuisse, quæ nota sunt omnibus, quæ te-  
nentur, non progrediar longius, quam  
mihi



*mibi concessum est. Sed illud non queo  
præterire eam me lucem abs te optare,  
eam precari, qua meæ lucubrationes cir-  
cumfusæ sint, quæ semper eas sequatur:  
tum verò mea tibi observantia numquam  
deerit, atque id mihi faustè fœliciter,  
prosperèque eveniet, quod vel maximè est  
optandum.*

# BENEVOLIS MEDICINÆ TYRONIBUS.

**P**Raxis Medica, quam quotidie profiteor, & Februm phenomena attentissime observata expositam Februm Theoriam, Lectores benevoli, me docuerunt; ut autem facilius innotescant, quæ hic dicturi sumus, Tyrones primo monitos volui. Cum corpora elastica, & non elastica sint numero, pondere, superficie, motu &c. seu momentis omnino diversa, hæcque in actione, & reactione promixta, & æquabili mixtione obtinenda inter se esse debeant, ut naturale æquilibrium massæ sanguinæ habeatur, & conservetur, placuit pro Hypotesi arbitrari, summam momentorum corporum elasticorum æqualem esse summæ momentorum corporum non elasticorum; quia verò sanguinis constitutio non finit eandem, ac præcisam servari diversorum elementorum componentium quantitatem, propterea (quantum in re tam obscura conjectari potest) jure arbitratum est, naturam ea lege, ac methodo partiri summas momentorum corporum elasticorum, & non elasticorum, ut si momentum alicujus corporis elastici sit in aliqua ratione inæqualitatis ad momentum alterius corporis non elastici; ita reciprocè tertium quoddam momentum corporis non elastici sit in eadem ratione specifica inæqualitatis ad quarum momentum corporis elastici alterius generis, & sic successivè &c., tali semper servato ordine, quo summæ momentorum corporum elasticorum, & non elasticorum sint æquales inter se quacumque proportionem momenta ipsa sint distributa in massa sanguinis. Secundo, ut aliter explicetur Hypotesis; supponamus ex singulis massis elasticis simul sumptis fieri massam A, ex singulis verò massis non elasticis

cis

cis simul sumptis fieri massam B ; quia ex Hypotesi summa momentorum corporum elasticorum æqualis esse debet summæ momentorum corporum non elasticorum , erit ut massa A ad massam B , ita reciprocè celeritas massæ B ad celeritatem massæ A ; ex qua proportionem colligitur æqualitas præsupposita momentorum elasticorum , & non elasticorum inter se. Tyrones itaque vel primo conceptu intelligant momenta corporum ; vel secundo ; semper momenta corporum elasticorum , & non elasticorum erunt in ratione æqualitatis , aut quasi æqualitatis , quorum necessario opere nexus , unio æquabilis , & minima mixtio elementorum omnium in naturali statu haberi debuerunt . Hisce prænotatis , hanc *Februm mechanicam* tres in partes dividendam esse censui ; prima quidem *universales Februm anomalias* ; secunda *intermittentium Februm causas , symptomata , legem , & ordinem frigoris , & caloris* ; tertia verò *continuas Febres agit , & querit* . En itaque completa *Mechanices Morborum desumptæ a motu Fluidorum , Solidorum , & Februm theoria* ; superest ut consilio potissimum Celeberrimi Professoris Alexandri Maccope , ne praxis quoque Medica mechanico ratiocinio fraudetur , quartam partem *Mechanices Remediorum* superaddere curemus , quam totis viribus Deo dante exequi conabimur . Valete .



# NOI RIFORMATORI DELLO STUDIO DI PADOA.

**A** Vendo veduto per la Fede di revisione, ed approvazione del P. F. Tommaso Maria Gennari Inquisitore, nel Libro intitolato : MECHANICES MORBORUM DESUMPTÆ A MOTU FEBRIUM; AUCTORE JOANNE BAPTISTA MAZINO, PARS TERTIA, non v'esser cosa alcuna contro la Santa Fede Cattolica, e parimente per Attestato del Segretario Nostro; niente contro Principi, e buoni costumi, concedemo Licenza a Gio: Maria Rizzardi Stampatore in Brescia, che possi esser stampato, osservando gli Ordini in materia di Stampe, e presentando le solite Copie alle Pubbliche Librarie di Venezia, e di Padoa.

Dat. 16. Novembre 1726.

§ *Carlo Ruzini Kav. Proc. Rif.*

§ *Andrea Soranzo Proc. Rif.*

§ *Z. Piero Pasqualigo Rif.*

Agostino Gadaldini Segret.

ME





# DE FEBRIBUS IN GENERE.

DISSERTATIO PRIMA.

I.



Andiu vivimus, quandiu movemur, tunc morimur cum fluida, & solida deficiente motu definunt, tum sani vivimus, cum fluidorum, & solidorum motus ordinati sunt, æquabiles, & isocroni, tum maximè ægrota-  
mus, quum utrorumque motus inordinati sunt, in-  
æquales, & assymetri: Hæc est idea sanitatis, &  
ægritudinis, hæc vitæ, & mortis origo, ac prin-  
cipium est. Cum *num. 3. & seq. Partis primæ Me-*  
*chanices Morborum*, motum pressionis, ejusque phe-  
nomena satis consideraverimus, a quo filamenta  
sanguinis continuo atteruntur, minimasque in  
particulas quodammodo infinitè parvas dividuntur,

A

ut

ut intimior , facilior , ac perfectior fiat earundem particularum mixtio , æquum est ex perfecta , ordinata , & æquabili mixtione earundem naturalem temperiem , ac statum sanguinis ; ex imperfecta vero , inordinata , & inequabili earum mixtione præternaturalem intemperiem , febrilemque indolem massæ sanguinis habendam esse : ex variis nimirum mixtionum gradibus , ordinibus , ac legibus emergere ex practicis phænomenis mihi visæ sunt universæ febrium anomalix. Omissa itaque communi febrium definitione , quam tot celeberrimi viri undequaque docuerunt , aliter placuit definire , & definitione quidem , quæ mechanicæ legibus commodius satisfacere videatur.

Febris  
defini-  
tio.

2. *Febris ergo universalior morbus , est motus as-  
symmeter mixtionis elementorum massæ sanguinis cum  
inaquali , aut dissimili excessu , vel defectu proportio-  
nalis velocitatis fluidorum , & solidorum . Cum in  
corporibus quibuscumque tum naturalibus , cum  
artificialibus ex determinata proportionem mixtio-  
num elementorum componentium diversæ fiant  
superficies , diversæ figuræ , diversi colores , di-  
versi motus , & diversæ vires naturæ componen-  
tium proportionales ; Divini enim Platonis testi-  
monio in Theeteto enunciatum est ex latione , mo-  
tuque , & alterna comixtione fiunt omnia , quæ esse  
dicimus , ita quidem æqua temperies , & naturalis  
constitutio sanguinis ab ordine , & determinata  
lege*



lege mixtionum corporum componentium unitate naturæ habenda erit : Verum quamvis manifesta videatur lex determinatæ mixtionis in naturali massa sanguinis , adhuc tamen querenda esset specifica proportio corporum miscibilium , ut naturalis temperies , & naturalis constitutio sanguinis habeatur , & conservetur : Enim verò cum elementa massam sanguinis componentia sint inter se diversa mole , figura , superficie , pondere , motu , ac numero , certè horum momenta inæqualia actiones , & reactiones semper ederent inæquales , & assymetras cum directionibus eorundem inæqualibus , & inordinatis , quæ non nexum , & unionem sanguinei compositi tantis naturæ actionibus necessarium conciliarent , & sustinerent , sed laxitatem , & dissolutionem . Hinc pro æqua unitate compositi ex Geometricis , & Mechanicis legibus statuendum corpora , quæ *elastica sunt , & actiuosa , motuque velociore prædita* numero , mole , ac pondere proportionaliter minora esse ; corpora verò quæ *inertia sunt , & non elastica , motuque tardiore donata* , mole , pondere , ac numero proportionaliter esse majora : Ita sanè facta ratione reciproca , aut quasi reciproca momentorum corporum componentium velociora , & elastica cohibentur , & frenantur ab inertibus , tardioribus , & gravioribus , & vicissim inertia , graviora , & tardiora a velocioribus , & elasticis



communicatione massarum , & virium *reciprocè* ,  
*aut quasi reciprocè* adjuvantur . Id fanè juvabit  
unicè ut in equalitate momentorum actiones , &  
reactiones corporum sint ordinatæ , equabiles , &  
unimodæ cum regulari lege , ac ordine directio-  
num unitatem , ac complexum sanguinei compo-  
siti unitate naturæ sustinentium , & conservan-  
tium ; consilio autem addidi , aut *quasi reciprocè* ;  
cum fatear momenta corporum miscibilium non  
semper perfectissimè in ratione reciproca futura  
esse inter se , ut omninò inter se equipollean-  
t , tunc enim geometrica , & perfectissima sanguinis tem-  
peries , & constitutio haberetur ; verum cum ali-  
qualis excessus , aut defectus momenti alicujus  
corporis supra momenta aliorum non id vitii pa-  
rere possit unitati compositi , ut compositum no-  
tabiliter evertat ; ideò momenta corporum in sta-  
tu æqualitatis , aut æquipollentiæ consideranda  
erunt inter se , quamvis ratio reciproca momen-  
torum non tam rigorosa habeatur ; ob aliqualem  
itaque excessum , aut defectum momenti alicujus  
corporis supra rationem reciprocam reliquorum  
momentorum dici potest in aliquibus servata uni-  
tate compositi sanguinei temperies serosa , in ali-  
quibus temperies sulfurea , in aliis falsa tempe-  
ries , ac constitutio &c. sed de hac re satis . Cer-  
tum est hanc necessariam rationem reciprocam  
momentorum particularum sanguinis pro necessa-  
ria,

## Morborum.

5

ria , ac naturali unitate compositi haberi perfectè nullo modo posse , nisi prius perfectissimè elementa inter se misceantur ; tantæ enim mixtionis opera fiunt intimi contactus , intimi occurfus, intimæ & equabiles actiones , & reactiones eorundem , quorum magisterio particulæ componentes ad dimensiones inter se homologas paulatim redactæ momenta elementorum redduntur inter se reciprocè , aut quasi reciprocè proportionalia : Ceterum si vitio perfectissimæ mixtionis hæc deficient , contactus , & occurfus corporum erunt inter se inordinati , inæquales , & assymetri, actiones , & reactiones inordinatæ , inæquales , & assymetræ , & momenta elementorum componentium enervata naturali unitate compositi sanguinei , inordinata fient , inæqualia , & assymetra , quæ omnia evenire in febribus verisimile est. Quamvis autem in febribus particulæ sanguinis plerumque præter legem velociores esse soleant , attamen cum aliquando accidat etiam præter legem tardiores esse , consultum fuit *excessum* , aut *defectum proportionalis velocitatis* acuratissimè adnotare : Sanguis enim in febribus non semper peccat velocitate , sed etiam tarditate , proinde cum velocitas , & tarditas supra , aut infra naturæ leges extiterint semper febrile vitium consequi necesse erit : Denique cum perfectissimæ mixtionis elementorum , & equalitati momentorum mas-

fæ



sæ sanguinis profit necessariò *aquabilis motus* ; & *oscillatio organorum* , idcirco cum inæqualis fuerit , inordinatus , & assymeter motus solidorum , jure mixtiones corporum , actiones & reactiones , & momenta eorundem elementorum massæ sanguinis inæqualia erunt , inordinata , & assymetra febres factura . Ex his brevitatis , & claritatis gratia prenotandum est , nos *intimam minutissimam , perfectissimamque mixtionem elementorum massæ sanguinis* , quorum beneficio sunt actiones , & reactiones *aquabiles corporum inter se* , eorumque momenta *existentia in ratione reciproca debito æquilibrio* , aut *quasi æquilibrio inter se æquipollegant* , apta unitate compositi sanguinei æquilibrio mixtionis massæ sanguineæ imposterum esse appellaturos .

3. Deffinitione febrium breviter exposita , decursu enim orationis ultrò constabit , ordo exigit febres dividere divisione tamen simplici in *Intermittentes* , & *Continuas* . De Intermittentibus autem in secunda , de Continuis in tertia Differtatione agendum erit : Interim ut generales febrium affectiones , & anomalias acuratori examini inquiramus , juyat hic primò expendere momenta , & vires corporum elasticorum , & non elasticorum inter se : secundò proportionem eorundem respectu feri , in quo innatant : tertio proportionem feri reliquorumque elementorum respectivè ad vasa continentia , & nervos vasa circumscribentes .

Ele-



## Morborum.

7

Elementa itaque *actuosa*, seu *elastica* massam sanguinis componentia jure dici possunt *particulae sulfureae*, quas elasticas pluribus in locis de principio sulfureo ostendit Celeberrimus Gulielminus; *particulae aereae*, quas in sanguine observaverat Boileus; & *globuli plano-ovales* Levvenochio observante; & quaecumque alia elastica si quæ sint minoris tamen momenti. Elementa verò *inertia*, seu *non elastica* massam sanguinis componentia numeramus *salicujuscumque generis*; particulas *aqueas*, seu *serosas*, cum tam aqua, quam serum ejusdem sint indolis, cum verò aqua communis ab experimentis Celeberrimæ Academiæ Florentinæ nullatenus elastica experta sit, ob id serosas sanguinis particulas non elasticas esse firmiter putandum est: *terre quoque damnatae* si quæ sint in massa sanguinis inter inertia, & non elastica elementa habendæ erunt. Cum superius indicatum sit momenta corporum elasticorum in naturali temperie massæ sanguinis futura esse in ratione reciproca, aut quasi reciproca cum momentis corporum non elasticorum, cumque momenta corporum sint ut rectangula composita ex massis horum ductis in suas velocitates, erunt massæ corporum elasticorum ad massas corporum non elasticorum ut reciproce sunt velocitates horum ad velocitates illorum. Hæc quidem proportio unionem, & nexum fluidorum sustinet, hæc equabilem solidorum oscillatio-

lationem promovet : præter cætera beneficia vires vivæ corporum elasticorum , & solidorum oscillationes id præstant , ut minimi canales ab æqua elasticitate fluidorum circulantium , & ab æquali oscillatione solidorum aperti consistant : hinc sanguis ab arteriis in venas ; & cætera fluida ab uno canali in alium facilè transeunt ; Ob id in fenibus facilè solida impedita arescunt , & pigrescunt , & fluida lentescunt , cum in his vires elasticæ fluidorum inertes sint , & solida ægrè oscillent . Itaque vel externi , vel interni , vel mixti agentis vitio corpora primò actiosa , & elastica non eam rationem habeant reciprocam cum corporibus inertibus ; sed elastica corpora habeant rationem majoris inæqualitatis respectivè ad corpora inertia , seu non elastica . Cum corpora elastica in hoc statu suos habeant gradus velocitatis numero eorundem proportionales , erunt quoque velocitates corporum elasticorum in multò majori ratione majoris inæqualitatis respectu corporum non elasticorum : cum verò momenta corporum elasticorum cæteris paribus multò majora supponantur momentis corporum non elasticorum hæc multò majorem impetum efficient in corpora inertia , quam opportuna ratione ista illis possint resistere ; cum ergo nulla fieri possit æqua , & opportuna actio , & reactio corporum elasticorum , & non elasticorum nulla quidem fiet naturalis , & æqua-



equabilis mixtio eorundem in fero sanguinis; deperdito autem mixtionis æquilibrium excessu corporum elasticorum febres continuæ erunt orituræ. Quod si corpora elastica minorem rationem habeant respectu corporum inertium, multò minor quoque in data ratione futura erit velocitas corporum elasticorum, quid ergo? ex defectu velocitatis horum gravior eveniet inertia corporum non elasticorum, major sequetur contactus corporum inertium inter se, & gravius horum pondus, ac momentum erit futurum; verum cum ex majori contactu corporum inertium horum superficies augeantur in ratione duplicata, & horum moles, ac pondera in ratione triplicata laterum homologorum, hæc inertia corpora & superficie, & mole tam adaucta impediunt viam, transitumque liberum serosis potissimum, elasticisque corporibus, ut egrè, aut imperfectè misceri inter se possint: taliter affecta massa sanguinis lentior jure fiet, densior, ac ponderosior; quinimò adauctis hoc gravi onere salium momentis falsa corpora angulis, quibus circumscribuntur membranas vasorum, ceterasque membranosas superficies, per quas undequaque excurrunt, sollicitabunt, molestoque stimulo rigores, horripilationes ceteraque frigori feræ sensationis phænomena efficiunt, ut in febribus intermittentibus passim experimur, de quibus suo loco dicemus.



4. Non tantum necessaria est proportio reciproca momentorum corporum elasticorum, & non elasticorum inter se, verum cum in naturali temperie massæ sanguinis observante Boileo serum ad partes consistentes sanguinis esse debeat in ratione tripla, aut quasi tripla, videlicet ut 3 ad unum, hæc semper ratio majoris inæqualitatis partis fluidæ ad partes consistentes reliquorum corporum admittenda erit, quæ est inter 3 ad 1. Si itaque solida, & consistentia corpora excedant excessu  $\frac{1}{2}$ , tunc ratio feri ad consistentia corpora erit ut 3 ad  $1 + \frac{1}{2}$ ; si verò deficient defectu  $\frac{1}{2}$  erit quoque ratio feri ad corpora consistentia ut 3 ad  $\frac{1}{2}$ : Cum autem ratio feri ad elementa quælibet consistentia, ac solida esse naturaliter debeat, quam proximè ut 3 ad 1, certè tam in supposito excessu, quam in defectu mutabitur determinata, & naturalis ratio majoris inæqualitatis, quæ est inter 3 ad 1; quod sanè grave vitium erit, si diu perduraverit. Vitio enim excessus corporum solidorum seu consistentium in fluido sanguineo majori numero permiscentur solida corpora cum fluido, quam exigant vires fluidi sustinentis: Cum enim corpora innatantia in fluido sustineantur suspenfa opera suarum superficierum, quæ augmento corporum similium cum crescant in ratione duplicata laterum homologorum, horum autem moles crescant in ratione triplicata laterum eorundem,

dem , & hæc sint ponderibus proportionales , manifestum est ex majori contactu solidorum corporum inter se in fluido sanguineo plus augeri moles , & pondera , quam superficies , a quibus superficiebus tantummodò sustineri commodius possunt : adauctis ergo molibus , & ponderibus corporum solidorum supra eorundem superficies non aptè , ac facilè sustineri , moveri , ac trahi undeque possunt in sero sanguineo , ut solida cum liquidis perfectissima ratione misceantur . Si verò deficient solida corpora , quam par est , hæc nimis sejuncta inter se excessu fluidi interpositi directiones motuum acquirant naturalibus directionibus assymetras : & sanè cum massæ sint ponderibus proportionales erit massa feri cum quantitate corporum solidorum  $\frac{1}{2}$  specificè levior massa illa feri cum quantitate naturali corporum solidorum ut 1 ; hinc massa feri cum quantitate corporum solidorum  $\frac{1}{2}$  rarior erit massa illa cum quantitate corporum solidorum ut unum ; ideò massa feri continens corpora solida ut  $\frac{1}{2}$  cum sit rarior altera , transibunt contenta solida per grandiores areas , seu porositates feri sanguinei absque occursum debitarum resistantiarum : cum verò rarius , leviusque serum non ea virium proportionem resistat momentis corporum elasticorum , & non elasticorum , quantumvis numero minorum , elastica quidem corpora , & non elastica per vias , ac di-



rectiones itura erunt non sibi naturaliter homologas velocitatibus nullatenus æquilibrio massæ sanguinis proportionalibus . Pariformiter vitia mixtionis in sanguine facilè occurrunt ab excessu feri , aut defectu ejusdem , cum enim serum naturaliter esse debeat in ratione tripla , aut quasi tripla respectivè ad solida , & consistentia corpora , si serum excedat , aut deficiat æquilibrium mixtionis everti necesse est ; sero enim adaucto , cum hoc sit notabiliter gravius aqua communi , ut *num. 16. primæ Partis* dimensi sumus non levem pressionem afferet vasis continentibus , hæc autem nimis undequaque distracta , ac violenter ad majorem superficiem extensa ab adaucto momento distractionis fibrarum , impediunt æquali tempore homologum momentum contractionis earumdem ; cum autem ex momento distractionis fibrarum canales investientium , & ex homologo momento contractionis earum temporibus æqualibus , adjuvetur magnoperè necessarium opus æqualis mixtionis solidorum corporum cum fluidis , sero quidem nimis adaucto , & adauctis pariter feri viribus in reliqua corpora , debitum mixtionis opus impediri necesse erit : Si autem deficiat serum infra leges naturalis quantitatis , fluido quidem imminuto , minor fiet velocitas sanguinis , & solida corpora lentiori pede mota , majorique contactu adaucta , ut supra quoque demonstravimus ,  
lento-



lentiori pede movebuntur; ex fluido itaque immi-  
nuto, & ex corporum solidorum lentescencia iners  
quidem fiet, & imperfecta mixtio corporum in-  
ter se, ut male fluida cum solidis permixta æqui-  
librentur, videantur quæ numeris 4., 5., 6., &  
14. primæ Partis adumbravimus, ne jam dicta hic  
ineptè repetantur.

5. Elementorum sanguinis elasticorum, & non  
elasticorum proportionibus, ac momentis satis  
expensis, modò necessarium est pro febrium phæ-  
nomenis explicandis, rationes crassamenti san-  
guinei, sive filamentorum feri concrescibilis (fila-  
menta enim feri concrescibilis, & crassamenti san-  
guinei sub eodem nomine usurpamus) paucis ul-  
trò expendere: Itaque præsupposita filamenti, seu  
crassamenti sanguinei existentia, quam Boileus,  
& Levvenochius satis superque experimentis do-  
cuerunt, & confirmarunt, juvat instituto nostro  
usurpare, quæ Celeberrimus, & Immortalis fa-  
mæ Jacobus Hermannus (a) edocuit; fluida nem-  
pe alia esse *homogenea* alia verò *eterogenea*. *Fluida*  
*homogenea*, seu *uniformiter gravia* ea dici possunt,  
*quorum densitas, crassities, & motus per universam*  
*massam uniformes sunt, & pondera ipsorum abso-*  
*luta massis eorum proportionalia sunt.* *Fluida verò*  
*eterogenea, seu difformiter gravia* ea dici poterunt,  
*quorum densitas, crassities, & motus per universam*  
*fluidi*

(a) Pag. 127.  
Phoronom.

*fluidi massam non uniformes sunt , nec pondera fluidi massis proportionantur . In statu itaque naturali massa sanguinis quod ad densitatem attinet crassitiam , pondus , & motum talis esse debet , ut densitas , crassities , & pondus corporum componentium , & filamentorum , neque nimis comprimantur inter se , neque filamenta adeo tenuia sint , ut a necessaria pressioue , ac pondere deficient ; sed talis mediæ densitatis , ac talis mediæ crassitiei , talisque medii ponderis esse debent elementa , & filamenta crassamenti sanguinei , ut pressionem efficiant momentis vasorum continentium , & momentis corporum contentorum proportionalem ; ita enim servata opportuna unione , servatoque debito nexu , ac contactu corporum fluidorum inter se reciproca eorumdem mixtio , seu mixtionis æquilibrium sustinebitur : Deinde elementa , & filamenta massæ sanguinis ceteris paribus uniformiter densa , uniformiter crassa , ac gravia per universam sanguinis massam esse debuerunt , ne varia eorum pondera in diversis vasorum locis inæqualia vasorum momenta afferant , non levi vitio æquilibrii mixtionum : Ulterius si filamenta retis in modum probabiliter elaborata judicentur , angulos necessariò describent modo majores , modo minores , dum a majoribus sectionibus vasorum transeunt in minores , & vicissim dum a minoribus in majores restituuntur . Hæ quidem angu-*



angulorum mutationes esse debent sectionibus continentium vasorum , & momentis corporum contentorum proportionales. E contra ut in febribus, nec non in sanguine arterioso , ac venoso, sicut & in succo nerveo , & lymphatico præternaturalibus evenit , si massa sanguinis quod ad densitatem pertinet, pondus , & crassitiem elementorum , & filamentorum fuerit eterogenea , inæqualis nempe , & dissimilis texturæ , tunc ratione majoris , aut minoris inæqualitatis , inæquales fient pressiones corporum elasticorum , & non elasticorum, diversæ , & inæquales pressiones in vasis continentibus , & inæqualia fient pondera ceteris paribus in diversis vasorum ubicationibus; variæ proinde, ac dissimiles fient in areis reticularibus angulorum inclinationes, dissimiles motus, ac directiones eorumdem , inæquales propterea , ac dissimiles corporum elasticorum , & non elasticorum motus , ac mixtiones cum notabili , ac continuò separandorum corporum vitio exorientur.

6. Præstat modo ulteriora prosequi expendendo rationes seri, aliorumque corporum respectivè ad vasa continentia , ad fibras cujuscumque generis , musculares , nerveas , & membranosas &c. , quæ necessariæ proportionales cum a Medicis plerumque negligi soleant , non leves in Theoria, & Medica praxi errores afferunt. Ut verò hæc tam necessaria faciliùs , ac clariùs ostendantur nonnulla



nulla advertenda sunt ; eo quia a solidis præter-  
 naturaliter motis , aut se moventibus sustineri  
 potest ratio semper inæqualitatis inter momenta  
 elementorum sanguinis , & vasa continentia , aut  
 inservientia , usque dum deperdita ratione reci-  
 proca elementorum elasticorum , & non elastico-  
 rum inter se , nec non ratione homologa fluido-  
 rum cum solidis elementa sanguinis imperfectè ,  
 aut ægrè misceantur , a quibus consequuntur fe-  
 bres , aut hæ longiori tempore duraturæ sunt ,  
 cum pulsum inæqualitate , & frequenti cordis  
 palpitatione . Duas itaque ab Immortalis famæ  
 Viro Nevutono naturæ Leges instituto meo op-  
 portunas amplector , quarum una est ; *Corpus*  
*omne perdurare in statu suo quiescendi , vel moven-*  
*di uniformiter in directum , nisi quatenus a viribus*  
*impressis cogitur statum suum mutare* . Altera verò  
 est : *Mutationem motus semper esse proportionalem*  
*vi motivæ impressæ , ac fieri semper secundum re-*  
*ctam lineam , qua vis illa imprimitur* . Impellan-  
 tur itaque a momento sinistri Ventriculi cordis  
 grana sanguinis 305  $\frac{15}{11}$  quacumque sistole per  
 Aortam descendentem [ ut num. 28. primæ Partis  
 indicavimus ] hæc quidem sanguinis massa expul-  
 sa ire debuisset per legem primam uniformiter in  
 directum per lineas tangentes circularem arte-  
 riam , nempè ( *in Figura 1.* ) per tangentem A D  
 motu quodam , seu vi centri fuga , aut centri fu-  
 gæ

gæ analoga ; verum cum sectiones majores arteriæ paulatim minores fiant , sanguini per tangentem eunti in statu naturali resistantiam ferent in ratione perpendicularis B C ad perpendicularem D E &c. Cum autem vis centrifuga sanguinis impulsus continuò per circulares peripherias vasorum circumeat , & contra has continuò agat , nec vis deperdatur , hæc urgebit superficiem canalis versus quascumque tangentes , seu versus tangentem A D ; Cum verò canales compositi sint ex membranis , musculis , & nerveis filamentis elastica , seu oscillatoria vi donatis cogentur post passam dillatationem se se ad priorem statum restituere . Itaque cum in statu naturali momenta dillatationis vasorum a vi sanguinis impellentis æqualia esse debeant momentis restitutionis eorumdem , futura erit vis dillatationis vasorum , & vis centrifuga sanguinis impellentis æqualis restitutioni vasorum , seu vi centripetæ sanguinis restituti versus axem canalium : proinde cum momenta dillatationis vasorum , & momenta constrictionis eorumdem , viresque fluidorum centrifugæ , & centripetæ , quæ a Mechanicis *Centrales* appellantur , esse naturaliter debeant in ratione æqualitatis , aut quasi æqualitatis , constabit veritas secundæ legis , mutationem nempe motus fluidorum , & vasorum versus centrum , seu versus axem restitutorum debere esse proportionalem



lem vi motivæ antea impressæ a fluido canalem dillatante , & canali dillatato. Porro cum motus massæ sanguinis fiat vi cordis impellentis , & vi seu momento constrictionis arteriarum , quarum vires non sunt oppositæ , sed tantummodò diversæ a motibus , seu viribus massæ sanguinæ , hujusmodi *vires conspirantes determinatum semper , & æqualem directionis angulum comprehendent* in statu naturali , cum versus axem canalium fluida impellantur. (a) Quamobrem ex motu cordis , vasorum , & fluidorum æquabili , seu ex viribus centralibus æqualibus , cum æqualibus pariter angulis directionum virium conspirantium , elementa sanguinis per superficies circulares vasorum continuò euntia undequaque similibus , & æqualibus impulsibus versus axem ejecta , in hoc quidem axe æqualitate angulorum occurrent iuter se , similibusque occursibus similiter fracta , & in partes infinitè parvas quodammodò similiter comminuta proportionali semper velocitate , motu , ac tempore movebuntur , momentisque minimarum particularum reciprocè agentibus , hæ particulæ juxtà opportunum mixtionis æquilibrium miscébuntur.

7. Modo ut ab Universalibus naturæ legibus ad singularia descendamus , apertum est vasa quælibet sanguifera ad conicam superficiem accedere membranis ,

(a) *Ex Velpio*  
Pag. 359.



branis , musculis , nervisque undequaque munita , quorum fibræ aliæ rectæ sunt , aliæ quodammodo spirales , & circulares alteræ . Horum organorum opera , vasa ex elasticorum corporum genere esse constat , quorum vi in statu naturali a momento distractionis , & homologo momento contractionis equalibus conatibus extenduntur , & equalibus viribus contrahuntur sanguinem æquabiliter expulsura : æquabilitatem momentorum oriri putamus a fibris rectis unimode agentibus , a velut spiralibus , & circularibus fibris æquabili ratione decrefcentibus ; cum enim singulæ fibræ rectæ mole , figura , ac directione fuerint inter se æquales , & parallelæ , cum effectus omnes sint causis suis adequatis proportionales harum momenta distractionis , & contractionis elasticis suis viribus homologa , erunt inter se oscillationibus equalibus equalia . Similiter si hujusmodi spirales , & circulares fibræ conicè decrefcentes fuerint mole , figura , & directione similiter positæ , cum arcus quilibet sint facti ex angulis , aut similibus , aut equalibus ductis in radios similes , aut æquales , harum fibrarum elasticarum , seu oscillantium momenta distractionis , & contractionis in eadem ratione similitudinis , aut equalitatis erunt futura ; si ergo fibræ rectæ non unimoda lege operentur , sed aliquæ tantummodò agant , reliquæ verò aut inertes sint,

aut leſe , inepte quidem erunt actionibus naturalibus : cum verò motus vaſorum ſint directè ut cauſæ adjuvantes , reciprocè verò ut impediētes, erunt momenta diſtractionis, & contractionis vaſorum omnimodè inæqualia , cumque anguli directionum particularum ſanguinis inæquales, ſiant ac diſſimiles ob vires conſpirantes diſſimiles , & inæquales , opus proinde mixtionis inæquale erit inordinatum , & aſſymetrum . Ita ſi ſpirales fibræ vaſorum non ea lege deſcribant ſpatia proportionalia circulis ab ipſis ſpirarum numeris denominatis [ex Archimede de Spiralibus], ſed diſſimilia fuerint inter ſe ineptè multum vaſa contrahentur , & ineptè ditrahentur ; ita leſo mixtionis æquilíbrio elementa ſanguinis vitioſè miſcebuntur . Verum ad pejora rueret æquilíbrio mixtionis , ſi circulares fibræ fuerint mole , figura , & directione diſſimiliter poſitæ , aut vitio naturæ , aut aſſymetro motu nervorum vaſa ambientium , aut muſculorum , aliorumque viſcerum inæqualiter prementium : cum enim arcus circulorum ſint facti ex angulis ductis in radios eorundem , quoties arcus fuerint diſſimiles inter ſe futuri quoque erunt aut anguli , aut radii eorundem , aut anguli ſimul , & radii inter ſe diſſimiles , & inæquales ; cum autem momentum contractionis vaſorum fiat ex motu peripheriæ vaſis verſus axem , cum inæquales anguli fuerint uniti inæqua-



equalibus semidiametris , momenta contractionis eorundem inæqualia , & dissimilia futura jure erunt ; inæquales inde fient impulsus in massam sanguinis cum inæqualibus directionum angulis , & elementa ejusdem massæ inæqualiter impulsæ inæquali mixtione deficient. Ulterius naturalia momenta distractionis , & homologa momenta contractionis temporibus æqualibus fieri necessariò debent , proinde si tempora , quibus fiunt momenta distractionis vasorum fuerint equalia temporibus , quibus fiunt momenta contractionis eorundem , cum tempus sit equale spatio diviso per celeritatem erunt spatia peripheriæ vasorum decursa in motu distractionis equalia spatiis decursis in motu contractionis , hinc cum spatia decursa peripheriæ vasorum in motibus contractionis , & distractionis fuerint æqualia , & spatia sint ex mechanicis proportionalia rektangulis sub celeritatibus , & temporibus spatia quidem equalia temporibus quoque equalibus decurrentur velocitatibus equalibus , quamobrem momenta contractionis periferiæ vasorum equalia urgebunt sanguinis massam versus axem canalium velocitatibus quoque æqualibus eo fermè gradu velocitatis , quo eadem massa sanguinis a corde impulsæ vasa dillataverat : ex hisce motibus peripheriæ vasorum distractionis , & contractionis equalibus , quorum opera equabiliter impellitur massa sanguinis ver-



versus axem canalium elementa sanguinis aptè , opportunè , & equabiliter misceri conabuntur ; hæc in statu naturali evenient . Quod si momenta distractionis peripheriæ vasorum , & homologa momenta contractionis inæqualibus fiant temporibus , cum tempus sit æquale spatio per celeritatem diviso , erunt jure meritò ex inæqualibus temporibus spatia decursa inæqualia , & celeritates pariter in motibus distractionis peripheriæ vasorum , & in motibus contractionis eorundem inæquales inter se : peripheriis itaque vasorum inæqualiter distractis , & inæqualiter contractis , inæquales fient istorum oscillationes , pulsus erunt inæquales , inordinati , & assymetri , pariterque impulsus in elementa sanguinis erunt inæquales , & miscella elementorum sanguinis inordinata erit , inæqualis , & assymetra .

8. Confert quoque naturali , & equabili mixtioni equalitas texture interne vasorum per universam istorum longitudinem , etenim si interni parietes vasorum fuerint unimode equabiles , singule sectiones circulares habebunt equales similesque semidiametros , qui singuli cum conveniant in puncto axis canalium , ibi equabiliter urgebuntur homogenea elementa sanguinis ab equabili momento contractionis vasorum per totam canalium longitudinem . Jam tandem in punctis axis excurrento æqualibus temporibus equabiliter impul-

impulsa elementa sanguinis æquabiliter quoque misceri poterunt. E contra eveniet si nimirum interni parietes vasorum alicubi fuerint aut Callo, aut Tuberculo, aut Polypo, aut ex convulsiva nervorum ambientium pressione inæquales; proinde radii vasorum inæquales erunt, ac dissimiles circumpherentiis eorumdem, & sectiones decrescendo in ratione duplicata diametrorum inæqualium elementa sanguinis contenta in naturali sectione non erunt æqualia elementis ejusdem contentis in eadem sectione præternaturaliter posita; quinimò cum radii vasorum sint ut peripheriæ eorumdem, ex inæqualitate radiorum inæquales fient impulsus peripheriarum versus axem cum inæqualibus angulis directionum, elementa ergo sanguinis contenta in sectionibus naturalibus diversa ratione impulsus movebuntur, ac in sectionibus eisdem præternaturalibus cum diversa mixtionum proportionem, saltem per aliquam temporis differentiam. Verum dices, cum in Anaurismate, Varricibus, Polypo, Tuberculo &c. sectiones, & motus oscillatorii vasorum sint inæquales in locis præternaturalibus inordinati videlicet, & assymetri, ergo ibi semper fient imperfectæ, aut egræ mixtiones elementorum, consequenter semper febres erunt futuræ. Verum placeat animadvertere; ut veræ, & humorales febres fiant, imperfecta, aut egra mixtio elementorum



torum sanguinis oriri potissimum debet ab improp-  
portione præcipua elementorum sanguinis vitio  
densitatis, crassitie, ponderis, & motus elemen-  
torum elasticorum, & non elasticorum cum ever-  
sa naturali ratione reciproca eorumdem inter se,  
deinde hæc vitia fieri debent per universam mas-  
sam non in unico tantum, vel singulari loco, sed  
in omnibus eodemque ferè tempore, ut supra ad-  
notavimus, & inferius semper magis magisque  
constabit. Verum in Anaurismate, in Polypo,  
Varricibus &c. quantumvis in singularibus hisce  
locis præternaturalibus fiant mixtiones imperfe-  
ctæ, & egræ, tamen cum hæ contingant tan-  
tummodò in solis ubicationibus, ac locis Anau-  
rismatis, Polypi, aut Tuberculi non verò per  
universum vasorum, & massæ sanguineæ spatium,  
proinde in massa sanguinis transacto loco læso  
rursus naturales restituentur mixtiones element-  
orum, & restituta ratione reciproca elementorum  
sanguinis naturalis ejusdem temperies redimetur;  
Fateor quidem vitia organica solidorum non pa-  
rum conferre ut febres vitio elementorum sangui-  
nis generatæ, diuturniores, & contumaciores fiant,  
verum non id præstare possunt sola organorum vi-  
tia ut febres veræ efficiantur [quamvis aliquando  
possit contingere] sed tantummodò apparentes; quid  
simile plerumque evenit primo ingressu chili in  
sanguinem, quo tempore in sanis quoque corpo-  
ribus



ribus fit celeritas pulsus major , gravedo quædam capitis , calor , quidam levis virium languor &c. , cum enim primò ingressu chili in massam sanguinis elementa eterogenea chili non statim aptè cum elementis sanguinis associari , uniri , ac misceri in ratione reciproca elementorum opportunè possint , oriuntur plerumque exposita levia symptomata , quæ præternaturalem statum simulare videntur , verum tractu temporis chili elementis opportunè associatis , & commixtis , eterogeneisque corporibus per excretoria vascula separatis prima , & naturalis sanguinis velocitas , virium robur , & capitis quies &c. faciliter restituntur ; Verum quia aliquando non tam facilè restitui possunt , ideò redeundo ad vitia solidorum , cum frequentissimè accidat in Hypochondriacis, Hystericis, Convulsivis, & Paralyticis affectionibus filamenta nervea arteriis , & venis circumscripta variis in locis inæqualiter arteriarum , venarumque directiones incurvare , & inflectere , nulli certè praxim medicam agenti dubium est , ex hujusmodi curvaturis , ex tot flexibus contrariis arteriarum , & venarum , nervorum , vasorumque lymphaticorum auferri , aut saltem turbari naturale æquilibrium mixtionis ; hoc autem ablato , aut turbato sæpè , ac sæpius arbitratus sum medicam praxim agens non tantum vitio elementorum sanguinis , verum etiam vitio organorum febres lentissimas fieri ,

D

hasque

hasque diutissimè perdurare ; quandoquidem cum fluidum per rectas canalium directiones C D E F ( *Fig. 2.* ) ire naturaliter debeat , cum fibræ nerveæ convulsæ arterias , venasque , & cetera vasa , adeò inflecterent , ut a rectis directionibus transire cogerentur in directiones inflexas G A I H B K ( *Fig. 3.* ) constat plura incommoda transeunti sanguini evenire . Primò siquidem in punctis flexus contrarii A B , in quibus fibræ nerveæ crispatae , & contractæ puncta A & B vasis potissimum stringunt , sectionem necessariò efficient ceteris punctis minorem , cum verò massa sanguinis composita ex corporibus elasticis , & non elasticis transiens per sectionem minorem magis comprimatur , ac densior jure fiat , & densitates corporum elasticorum viribus comprimantibus , seu elasticitatibus eorum quamproximè proportionales sint , elater corporum elasticorum magis compressorum in sectione præternaturali flexus contrarii A B fortior , ac validior fiet elatere corporum elasticorum minus compressorum in sectione naturali LM : Hinc elementa sanguinis transeuntia per sectionem A B validè urgebunt canalem in punctis A & B flexus contrarii : cum verò nervea fistula contracta , & convulsa validè resistat dilatationi vasorum eorundem , ibi certè ob momentum nerveæ fistulæ comprimantis vas , & momentum corporum elasticorum sanguinis impellentium orietur



tur in sectione A B , violenta actio , & reactio solidi cum fluido : verum cum fluidi elementa violenter impulsa directiones motuum acquirant præternaturales , inordinata quidem , & assymetra futura erit elementorum miscella . Secundo ex flexibus contrariis arteriarum , venarumque cum corpora elastica magis compressa fiant , & densiora in punctis flexus contrarii , hic ob adauctas vires violentæ compressionis , horum momenta majora reddentur , quam par est ; quid ergo ? ibi quidem moles corporum elasticorum , & non elasticorum non reciproca ratione proportionales esse poterunt velocitatibus eorundem , proinde turbabitur in massa sanguinis mixtionis æquilibrium . Tertio , cum in statu naturali motus corporum in uno spatio vasorum esse debeat in ratione homologa cum motu corporum in alio spatio eorundem , & sic successivè in ratione æqualitatis , aut quasi æqualitatis , cumque in quibuscumque punctis flexus contrarii moles corporum elasticorum , & non elasticorum fiant densiores , & horum momenta fortiora , non hæc fieri poterunt homologa cum cæteris corporibus decurrentibus per alia vasorum loca , turbabitur propterea homologa proportio motuum naturalium non levi damno æquilibrii mixtionis . Quarto , cum in punctis flexus contrarii sectiones vasorum fiant minores , cumque hic major fiat resistentia sanguini transeunti , hujus re-

sistentia advenienti sanguini impedimento erit ; moles itaque massæ sanguinis magis magisque retro intumescens urgebit vasorum latera extrorsum supra naturales vasorum sectiones , mutatis naturalibus fibrarum angulis , mutatoque earundem naturali parallelismo : Cum verò contractiones naturales fibrarum elasticarum sint proportionales dilatationibus earum , cum dilatationes majores eveniant a mole majori massæ sanguineæ moles autem major , momentum proportionalis contractionis impediat , major quidem futura erit dilatatio vasorum , quam eorundem homologa constrictio ; si ergo in naturali mixtione elementorum sanguinis non solum esse debeat reciproca actio momentorum elasticorum corporum , & non elasticorum inter se , verum etiam esse debeat homologa actio momenti distractionis , & momenti contractionis vasorum , oportebit opere nervorum convulforum vasa stringentium in punctis flexus contrarii mixtionis naturalis æquilibrium enervari , aut perdi . Hæc sunt potissima organorum vitia , quæ naturalem mixtionis legem evertere apta sunt , aut saltem gravi opere inferviunt , ut elementa sanguinis assymetro motu mixta difficilius , ac tardius restituantur ad eum mixtionis naturalis gradum , quo momenta elementorum sanguinis reciproca inter se mixtione æquilibrentur ; Ex his ineptum videtur tam facile



cilè accusare sanguinem lentore, visciditate, densitate correptum, cum sæpissimè hæc vitia ab inertia motus vasorum continentium, reliquorumque solidorum motui sanguinis inservientium habeantur; ab hisce quidem vitiis solidorum se moventium motibus assymetris, inordinatis, inæqualibus, aut inertibus, ac lentescentibus assymetræ fient mixtiones elementorum sanguinis, proinde ex lenta, densiori, & crassiori reddita massa sanguinis *Febres ortas Organicas* appellabimus, quæ nisi a restituto solidorum æquilibrio constanti ratione redimuntur, & quas in *Hypochondriacis*, in *Hystericis*, in *Paralyticis*, cæterisque nervorum, & solidorum affectionibus, ac vitiis frequentissimè experimur.

9. Ex his quæ usque adhuc exposita sunt colligendum est sanitatem id petere, ut momenta elasticorum corporum, & non elasticorum sint composita ex ratione reciproca mixtionis eorundem inter se, & momenta distractionis, & contractionis arteriarum, venarum, reliquorumque vasorum, & solidorum sint inter se in ratione homologa, ut actionibus, & reactionibus solidorum cum fluidis inter se proportionalibus æquabiles, isocronæ, & ordinatæ fiant mixtiones elementorum massam sanguinis componentium. Fateor quidem hunc perfectissimum fluidorum, & solidorum statum, hanc perfectissimam elementorum

torum mixtionem non tam facilè, ac promptè acquiri posse, sed paulatim, & pedetentim; Chilo enim, ut supra etiam indicavimus, ingresso sanguinem eterogeneis corporibus repleto, quorum momenta primo inæqualia sunt, & assymetra, hæc tamen paulatim multiplici circulationum numero prius agitanda, ac movenda sunt; per idem quoque tempus æquo, & continuò motu separationis glandularum, apta, ac opportuna corporum eterogeneorum atritione, & separatione per idonea loca rursus depuranda sunt; ita quidem restituta equalitate momentorum, hacque rursus equilibrata æquis motibus, æquabili, & isocrona mixtione necessarium mixtionis æquilibrium restituitur, & restitutum conservatur.

*Finis Primæ Dissertationis.*





# DE FEBRIBUS INTERMITTENTIBUS.

## DISSERTATIO SECUNDA.

10.



Nervato , ac abolito mixtionis Elementorum sanguinis equilibrium , vel accusari facile potest præpollentia corporum elasticorum , vel corporum non elasticorum *Sallium* potissimum vis præpollens : Si corpora inertia mole , numero , & motu præpollent *Intermittentes* facile febres orituras putandum , de quibus in præfenti tractare aggredimur . Verum cum frigoris sensationes oriri primo soleant , quæ postquam desinerint , statutis temporibus redire consuescant , claritati rei agendæ consultum est , primo *rationem , ac causam frigoris* ; Secundò *cur Statutis temporibus redeant febriles accessus*

*cessus probabiliori ratiocinio investigare.* Ad primum quod attinet: Verulamius *de Historia vite, & mortis* experimentis edoctus est. Nitrum esse tamquam aroma frigidum, idque indicat sensus ipse, inter ea quæ novimus unicum est, & solum, quod ea præstet. Verum cum Academia Florentina non a nitro tantum, sed potissimum a sale armoniaco, a sale muriatico fluida frigesce, in glaciem mutari pluries experta sit, quin imò ab ipso spiritu vini multum fluida densari in glaciem, si salia superaddantur, jure credendum est a quibuscumque salium particulis, aut corporibus quibuscumque hisce analogis præpollentibus frigoris affectionem habendam esse; & sanè cum salia quæcumque, aut his analogia corpora inertia, & non elastica solidis angulis rectis, aut acutis, aut obtusis, aut superficiebus hisce analogis terminata sint, quoties in massa sanguinis momenta salium fluentium habuerint rationem majoris inæqualitatis respectivè ad elastica corpora, & non aptè inter se commixta sint, hæc in glandulas continuo deferrentur, & ab hisce ea vitiosa methodo separabuntur [ut num. 11. primæ Partis innuimus] Cum verò infinitus sit glandularum in membranis, musculis, carnibus tam externis, quam internis numerus, hic excedens salium separatorum numerus, tot ac tanta partium filamenta, angulis, quibus circumscribuntur circa proprios axes  
 conti-



continuò rotantibus stimulat , ea ratione motus , qua nitrosa potissimum , aut his analogà corpora sollicitare sensoria , ut frigoris sensationem inducerent , docuerat Verulamius. Membranarum itaque , musculorum , ac carniū filamenta undequaque taliter sollicitata , ac stimolata frigoris affectionem afferent ; Hic tamen anxius non quero quinam sit *rigor* , quinam *horror* , quænam *refrigeratio* , cum hæ frigoris differentię non re , sed tantum gradu differant , has enim disputantibus Medicis libenter relinquimus.

II. Id tamen si arbitramur , commodum est credere , phænomena frigoris non tantum a determinata corporum non elasticorum salium præcipuè stimulantium , aut sollicitantium actione generari , verum etiam adjuvari potissimum ab imminutis momentis distractionum , & contractionum fibrarum omnium : etenim cum salsa corpora , seu his analogæ superficies , ac plana , seu anguli sollicitantes fibrarum poros undequaque occupent , aut repleant , filamenta membranarum , musculorum , & carniū &c. fient densiora , cumque densitates sint ponderibus proportionales (a). Eadem filamenta solidorum fient graviora , minus proinde expedita ad distractionis , & contractionis motum exequendum , oscillationes idcirco fibrarum fient lentæ , languidæ , aut nullæ : Ex

E

his

(a) Ex Volpio pag. 363.  
*Mechan.*

his cum naturales fluidorum velocitatès a fibris negligenter, aut pigrè oscillantibus non opportunè promoveri possint, hæc fluida lentiora facta non eum circulationum numerum, non eum mixtionis motum absolvent necessario caloris gradui, æquisque naturæ operibus, ac temporibus destinatum; ob id cum lentescantium fluidorum consuetudo, ac lex esse videatur, graviora corpora undequaque deponere, jure in glandulis viscerum impuritates, in pulmonum glandulis fæculenta corpora deponentur, ut inde ex fibrarum, seu solidorum oscillantium inertia, & ex lentescencia fluidorum, fæcumque hypostasi obstructions, interni tumores, anxietates, difficiles anhelitus, suffocationes, pulsus duri, ac lentissimi, contracti sæpissimè cum molesta tussi durante frigoris paroxismo evenire consuescant. Hic cum innumera eveniant in tota glandularum familia separationis vitia, consulendum putavi studium operis Celeberrimi Petri Antonii Michelotti *de separatione fluidorum in corpore animalium*, hoc enim duce adepta æquæ separationis methodo, vitiosæ glandularum separationes clarius innotescant.

12. Quid plura? Exposuimus num. 6. massam naturalem sanguinis præter mediam crassitatem, densitatem, ac pondus filamentorum, hanc in arteriis a majori sectione in minores transire,  
 & a



& a continuo momento distractionis , & contractionis canalium continentium continuos impetus excipere , quorum opera reticulares areæ filamentorum conantur esse in continua mutatione angulorum , fient propterea reticulares anguli modo majores , cum arteria dilatatur , modo minores , cum arteria constringitur : similiter corpora quæcumque elastica contenta in massa sanguinis , nec non in lymphatico , nerveoque succo stringentur magis inter se , & comprimuntur cum arteriæ a momento contractionis contrahuntur , & a majoribus sectionibus in minores transeunt , e contra verò rarefient , & dilatabuntur hæc , cum a minoribus sectionibus transeant in majores , & a momento distractionis dilatantur , & extenduntur arteriæ : Itaque si momentum constrictionis arteriarum ita fuerit proportionale compressioni corporum elasticorum , ut ita sit contractio arteriarum ad compressionem corporum elasticorum , ut momentum dilatationis arteriarum est ad dilatationem corporum elasticorum , & permutando ita sit momentum constrictionis arteriarum ad momentum dilatationis earundem , ut est contractio , seu compressio corporum elasticorum ad dilatationem , seu rarefactionem eorundem , tunc cum filamenta massæ sanguineæ sint semper in proportionali , aut simili mutatione angulorum , utique filamenta massæ sanguinis eundem gradum ,

dum , eandemque mensuram densitatis , crassitie  
ponderis , ac motus naturali temperiei sanguinis  
homologam sustinebunt , hoc in statu motus sisto-  
lis , & diastolis cordis , & arteriarum erunt mo-  
tibus materiæ sanguineæ æquabiliter proportio-  
nales , pulsus erunt æquabiles , ordinati , & iso-  
croni ; ab elasticis hisce viribus corporum elasti-  
corum proportionalibus elasticis oscillationibus  
canalium , minima horum oscula aperta , &  
actuosa conservantur , & filamenta sanguinis , &  
reliqua corpora inertia promptè , ac facilè ab ar-  
teriis in venas regulari communicatione trajiciun-  
tur . Ceterum si momentum constrictionis arte-  
riarum non fuerit proportionale , ac simile con-  
tractioni , ac compressioni corporum elasticorum ,  
& vicissim momentum dilatationis arteriarum ,  
non fuerit simile dilatationi corporum elasti-  
corum , & permutando momentum constrictionis  
arteriarum non sit proportionale momento dila-  
tationis earundem ; pariterque contractio , seu  
compressio corporum elasticorum non sit homolo-  
ga dilatationi , seu rarefactioni corporum elasti-  
corum eorundem , tunc cum effectus semper sint  
suis causis adæquatis proportionales , arguendum  
erit filamenta , & reliqua corpora inertia , seu  
non elastica componentia temperiem , ac consti-  
tutionem massæ sanguinis inæqualibus , ac dissi-  
milibus densitatis , crassitie , ponderis , & mo-  
tus



tus gradibus esse affecta , ut quacumque temporis differentia fieri semper debeant inæquales , ac dissimiles motus , & mutationes angulorum in areis reticularibus , quo in statu filamenta sanguinis , & reliqua corpora inertia, quod attinet ad densitatem , crassitiem , pondus , ac motum efficient motus sistolis , & diastolis cordis , & arteriarum motibus massæ sanguineæ dissimiles , & improporcionales ; dissimiles pariter fient pulsuum distractiones , & contractiones , quin imò aliquando fient pulsus duri , contracti , ac lenti : Ulterius si obstructis potissimum Mesenterii , & Omenti glandulis sanguini per meseraicas venas ab Intestinis ad Hepar ascendenti [ut scienter animadvertit Immortalis famæ Professor Morgagnus pag. 3. Advers. Anoth. 3.] non opportuna , ac debita ratione , ac numero misceantur oleosæ , & balsamicæ particulæ , procul dubio hæc impedita bilis separatione , aut enervata in Hepate massam sanguinis , & lympham densiorem , crassiolemque reddent ; a densitatibus itaque crassitiëbus elementorum feri , & crassamenti sanguinei minima canalium oscula , nec non glandulæ Omenti , & Mesenterii obstruentur , & impedita ab arteriis in venas circulatione obstructiones , & reliquæ præternaturales hypostases enascentur : Ex his fibrosum sanguinis crassamentum , quod continuo ex chili elementis , ac filamentis enutritur , elabor-

boratur , & crescit , si ex chili densioris confor-  
tio densius fiat , crassius , ac ponderosius , areæ  
reticulares crassamenti sanguinei minora certè  
spatia circumscribent , juxta rationem adauctam  
crassitierum , ac densitatum filamentorum circum-  
scribentium , & rationem adauctam corporum  
inertium , quorum omnium momenta habent hic  
rationem majoris inæqualitatis respectivè ad mo-  
menta corporum elasticorum per aliquam saltem  
temporis differentiam : Proinde elastica corpora  
contenta stringentur nimis , ac comprimuntur :  
Immò cum serum , & feri portio concrescibilis cir-  
cumscribant undequaque elementa sanguinis , hæc  
& a sero , & a feri parte concrescibili stringentur,  
& comprimuntur magis magisque elastica corpo-  
ra ; Itaque cum areæ reticulares in statu natura-  
lis dilatationis , & alia quælibet spatia , per quæ  
globuli plano-ovales , & alia corpora elastica ob-  
servantibus Boyleo , & Levvenochio excurrunt , ad  
eadem spatia , & areas in statu præternaturalis  
constrictionis sint ut figuræ similes inter se , hæ  
autem decrescant in ratione duplicata suarum dia-  
metrorum , utique si spatium areæ in statu natu-  
ralis dilatationis fuerit ut 1 , decrescens spatium  
areæ ejusdem in statu præternaturalis restrictio-  
nis futurum erit  $\frac{1}{4}$  ; Si ergo in spatio naturalis di-  
latationis areæ reticularis ut 1 contineantur 8 cor-  
pora elastica , in spatio ejusdem areæ præterna-  
tura-



turaliter constrictæ contineri tantum poterunt elastica corpora ut 2 , & sic proportionaliter successivè in totis areis reticularibus massæ sanguinis. In statu itaque præternaturalis constrictionis arearum omnium elastica corpora contenta stringentur , & comprimuntur in ratione ut 6 ; Quis non videat , ex tam forti filamentorum massæ sanguineæ , reliquorumque corporum inertium densitate , crassitie , ac pondere , ex tam determinata arearum , aut aliorum componentium elementorum unione nimis stricta , ac angusta comprimenda , ac stringenda esse validè elastica corpora , ut non eum naturalem motum , ac velocitatem in tali statu possint acquirere? Imminuto propterea elasticorum corporum spatium , aliarumque particularum tangentium motu , ac velocitate , tantum caloris detrahendum erit a massa sanguinis , quantum motus , & elasticitatis a particulis elasticis , & non elasticis se tangentibus subtractum est ; Quamobrem cum calor consistat in concitatore motu quarumcunque particularum elasticarum , & non elasticarum , imminuto quidem spatium , motu , & elasticitate naturali earundem , calorem quoque sensibilibiter imminui necessarium est : hinc data proportionem *affectio frigoris* superveniet , major , vel minor juxta majorem , aut minorem compressionem corporum elasticorum vi majoris , aut minoris crassitie , densitatis , & ponderis

deris corporum non elasticorum, quorum inertia magis, vel minus imminuitur elasticitas, motus, actio, & reactio quarumcunque particularum elasticarum, & non elasticarum inter se.

13. Sed non diu elastica corpora in statu violento compressionis præternaturalis detineri possunt, sed tantummodò per temporis differentias, modo majores, modo minores juxtà majorem, aut minorem crassamenti sanguinei, & feri compressibilis ambientis densitatem, crassitiem, pondus, & motus inertiam in particulis elasticis, & non elasticis; propterea frigoris sensationes non continuæ, sed per tempus erunt duraturæ; & sanè elasticorum corporum massæ violenter in minora volumina compressæ conantur tandem aliquando se se dilatare quaquaversus ad majora volumina viribus comprimentibus reciprocè proportionalia; postquam ergo hæc violenter determinatum, seu ultimum compressionis gradum sustinuerint, se se validissimè undequaque dilatare conabuntur; Corpora itaque elastica, cum particulas non elasticas ipsis commixtas quaquaversus tangant, undequaque impetus, & impulsus efficient in tangentia quæcunque corpora non elastica. Cum verò hæc resistent in ratione suarum soliditatum, restituent elasticis corporibus impetus, ac impulsus motibus jam impressis proportionales, sic communicata vicissim actione, & reactione corporum elasticorum



rum cum corporibus non elasticis singula corpora movent, & moventur, urgent, & urgebuntur, verum cum impetus corporum elasticorum se se dilatantium ad majora volumina contra objecta, & tangentia corpora non elastica sint in ratione composita ex numero corporum elasticorum, & summa motuum dilatationum eorum, manifestum est quam magna futura sit actio, & reactio, expansio, rarefactio, & dilatatio quaquaversus elementorum cujuscunque generis corporis elastici, & non elastici massæ sanguinis. Ut autem hæc accuratiori examine expendantur, placeat eligere ex corporibus elasticis solas aeris particulas contentas in massa sanguinis, ut experimenta Boylei docuerunt; Cum vis elastica aeris elevet aquam ad pedes 32 circitèr, & ratio ponderis, seu gravitatis specificæ aquæ nostræ communis (quam invenimus pag. 54. primæ Partis) ad pondus, seu gravitatem specificam sanguinis sit ut 1749 ad 1886. seu proximè ut 1 ad  $1\frac{7}{137}$  innotescet quantum elevanda fuerit massa sanguinis vi elastica ejusdem quantitatis aeris; etenim cum vires elevent pondera diversa ad altitudines ipsis ponderibus reciprocè proportionales (a) vis elastica aeris elevans aquam ad pedes 32 circitèr, elevatura erit massam sanguinis ceteris paribus ad pedes  $31\frac{75}{139}$  proximè; si enim

F fiat

(a) *Ex Volpio Cod. 4.*  
*cap. 564. Mechan.*

fiat analogismus ut pondus , seu gravitas specifica sanguinis  $1 \frac{1}{137}$  ad pondus , seu gravitatem specificam aquæ communis , ita fiant reciprocè pedes 32 circitèr ad quartum terminum proportionalem , utique constabit pro quarta proportionali pedes  $31 \frac{75}{139}$  massæ sanguineæ fore respondentes . Ut enim  $1 \frac{1}{137} . 1 :: 32 . 31 \frac{75}{139}$  proximè . Cum verò eadem sit proportio pedis ad pedem , ac lineæ ad lineam , & particulæ lineæ ad particulam lineæ , vis elastica aeris proportionalis vi motivæ aeris contenti in sanguine proportionaliter ceteris paribus elevare poterit sanguinem ad particulas lineæ  $31 \frac{75}{139}$  in canalibus ascendentibus , in quorum ascensu magna adest resistentia ad motum ; quod si canales fuerint descendentes , aut inclinati , aut horizontales , in quibus nulla est ad motum resistentia , quin immò facilitas , & propensio ad motum juxtà rationes a Mechanicis jam determinatas , quas non vacat hic repetere , apertum est quantum vis proportionalis elastica aeris massam sanguineam urgere poterit , ac movere ; Porro si a solo momento particularum aeris in sanguine contenti tantum moveri , ac urgeri poterit massa sanguinis , quid sentiendum erit , si viribus elasticis aeris ultrò addantur momenta sulfurum , & elastica momenta globulorum plano-ovalium &c. certè quam maxima futura erit massæ sanguineæ rarefactio , extensio , & motus in ratione



tione nempe composita ex momento cordis sanguinem impellentis , momento elastico aeris , fulfurum , & globulorum plano-ovalium &c. , quæ ratio composita momentorum , cum calculis æquatione assequi non possit , proinde velocitas , quantitas motus , & momentum massæ sanguinis in statu præternaturali febrium pro ut summum erit indeterminabile . Ex hisce momentis corporum elasticorum salia , & reliqua solida corpora , fibrosum sanguinis crassamentum , & filamenta feri concretescibilis ultrò atteruntur ; hæc autem in quantitates infinitè parvas attrita , per serum liberi motu decurrunt , ut sæpissimè per sudores , & urinas erumpant . In hoc violento fluidorum impetu momentum distractionis arteriarum , glandularum , aliorumque solidorum adeò præpollens fit , ut momentum contractionis eorundem paucam , ac minimam rationem habeat cum momento præpollente distractionis ; non mirandum ergo , cur in tam violentis fluidorum motibus , & tam distractis solidorum filamentis sæpissimè eveniant Anaurismata in arteriis , Varrices in venis , & Hydatides in lymphaticis canalibus , Vomica aliquando , & sinus præternaturales in glandulis , ceterisque visceribus , pulsus fiant nimis elastici , nimis vibrati , inordinati , & assymetri , separationes fluidorum irregulares , eterogeneæ , & vitiosæ , sensoria confusa fiant , & languida , to-

tumque corpus præternaturali calore excandescat ; tot autem vitia duratura sunt, usque dum transpiratis , aut per excretoria naturæ loca eliminatis eterogeneis corporibus fibrosum sanguinis crassamentum , & reliqua corpora inertia præternaturales densitates , crassities , pondera , moles , & motus amiserint , & acquisita naturali , sive homogenea subtilitate , æquabili densitate , debito pondere , motuque proportionali, massa sanguinis ad naturalem mixtionem reciprocam elementorum elasticorum , & non elasticorum inter se , naturalemque temperiem restituatur : tali methodo ex mechanicis legibus arbitrandum est *a frigoris affectione ad præternaturalem caloris statum* massam sanguinis erumpere in febribus , talique ordine fieri calorem præternaturalem in massa sanguinis , talique lege fluida universa in febribus violenter inter se , & in solida erumpere.

14. Alterum phenomenon, quod expendendum occurrit in febribus intermittentibus est *ratio cur febrilis accessio frigoris , & caloris statutis temporibus redeat*. Cum in febribus intermittentibus massa sanguinis post accessionem frigoris , & caloris ad naturalem statum penè restitui videatur , erunt reciproca mixtio elementorum sanguinis densitas , crassities , pondus , & motus , seu momenta eorundem juxtà isocronas naturæ leges quasi restituta ; verum ut clarè exponatur , quomodo determina-



minatis temporibus redeant febriles insultus frigoris , & caloris , tria præmittenda esse arbitror.  
1. Quamvis massa sanguinis in febrium intermittentium remissione quod ad densitatem, crassitiem, pondus , & motum , seu quoad momenta elementorum reciproca ratione mixtorum per aliquam temporis differentiam in canalibus quibuscumque sanguiferis uniformis , seu homogenea esse videatur ; attamen vitio chili , succorum Hepatis , Pancreatis , Lienis , nec non glandularum Omenti , & Mesenterii, nonnulla ramenta , seu filamenta corporum præternaturalium , seu eterogeneorum in massa sanguinis existentium in hanc ingrediuntur , & circumeunt , quæ quantumvis numero , pondere , mensura , ac momento multò minora sint corporibus homogeneis adhuc dominantibus , nihilominus continuo chili , aliorumque humorum eterogeneorum ingressu statutis temporibus febrilem motum restituere apta sunt ; Quamobrem secundo loco advertendum est , quod quamvis massa sanguinis per aliquod tempus cum reciproca mixtione elementorum componentium juxta densitatem , crassitiem , ac motum &c. videatur esse in naturali proportionem uniformis , & ceteris paribus æquabilis , attamen sæpè , ac sæpius portio massæ non omninò æquabilis , non omninò uniformis esse potest in spatiis minimis arteriarum , & venarum in glandulas desinentium ob assymetros

tros motus ipsarum glandularum succos eterogeneos, diverforumque momentorum præternaturaliter separantium; Cum autem (*num. 10. primæ Partis*) ostensum sit, in statu naturali systolem, & diastolem cordis cum systole, & diastole arteriarum, glandularumque desinentium debere esse proportionales, cumque in tali febrium intermittentium remissione sæpius non conservetur hæc totalis ratio æqualitatis, aut quasi æqualitatis inter systolem, & diastolem cordis cum systole, & diastole arteriarum potissimum minimarum, & glandularum desinentium, succos diversæ, & præternaturalis indolis separantium, non poterit diutius massa sanguinis in continentibus vasis in æquo mixtionis æquilibrio sustineri: hinc altè occurrit considerandus motus assymeter glandularum separantium, & vasorum minimorum in glandulis evanescentium; quis enim Praxim medicam agens in febribus intermittentibus impeditas, aut inertes glandulas Pancreatis, Hepatis, Lienis, aut Mesenterii, & Omenti non sensit, aut non cognovit, aut saltem jure optimo non suspicatus est?

3. Certum est in naturali motu massæ sanguinæ ob isocronas pulsationes cordis, arteriarum, & glandularum, quarum opera una hora sæpè 3000 pulsationes; ex Cardano 4000, juxta Bartolinum 4400; ex calculis verò Celeberrimi Lynster cap. 2. de humoribus 4500 enumerantur, de-

termi-



*terminatis temporibus necessario haberi determinatum circulationum numerum; æquabilis ergo futura erit lex, & ordo motus elementorum massæ ejusdem, & homologa statutis, determinatisque temporibus eorundem in glandulis separatio.*

15. Hisce præmissis cum succi quantumvis eterogenei primo ingressu in massam sanguinis non semper esse possint numero, pondere, ac mensura adeò densi, adeò crassi cum ponderibus, & motibus, seu momentis notabiliter inæqualibus respectivè ad ordinatum adhuc motum totius massæ sanguineæ homogeneæ supra cetera corpora eterogenea adhuc prædominantis, nondum alterari poterit notabiliter ordo, ac lex, & reciproca naturalis mixtio elementorum sanguinis; Verum si paulatim, & crescentibus, determinatisque temporibus creverint ingressus corporum eterogeneorum in massam sanguinis, ut post tantum numerum circulationum, qui determinatis temporibus fieri semper debuit numero, pondere, ac mensura, momenta corporum eterogeneorum superare incipiant corporum homogeneorum momenta, eo primo tempore in minimis vasis evanescentibus in glandulas, magis magisque assymetrè motas, utpotè minimorum diametrorum respectivè ad majores diametros canalium, tunc opere corporum densiorum, & crassorum eterogeneorum lentescere incipiet sanguis, & cum ultrò sequatur, & subsequa-

sequatur determinatis circulationum numeris , crescens numerus corporum eterogeneorum , sectiones vaforum primò minimorum cum decre-  
 scant semper in ratione geometrica respectivè ad majores , primum frustà solida minima vaforum in glandulas assymetrè motas evanescentium a quantitate filamentorum sanguinis circulantium in ratione geometrica , aut quasi geometrica replebuntur , & repleta obstruentur , & quodammodo sæpiissimè solidescent . Ut autem hæc clariora fiant ; Eligamus frustum conicum canalisi minimi in glandulam evanescentis ; sit nempè frustum conicum  $CDcd$  arteriæ desinentis in glandulam , cujus diameter internæ majoris peripheriæ  $CD$  sit  $= 1$  ; Diameter verò internæ peripheriæ minoris  $cd$  sit  $= \frac{1}{3}$  ; altitudo verò frusti sit  $= 6$  (*Vide Fig. 4.*) Ut proximè habeamus quantitatem sanguinis replentem , & contentum in frusto hoc conico , quæ quantitas componat frustum hoc conicum , ex Celeberrimi Ozanam Geometria practica operando , constabit contentas partes in tali frusto conico fore  $= 3 \frac{83}{100}$  . Quamobrem si partes istæ contentæ , & componentes frustum hoc conicum arteriæ supponantur esse scrupuli , hæ contentæ partes in frusto conico arteriæ minimæ evanescentis proximè æquales erunt scrupulis 4 . Advertendum proinde elementa sanguinis eterogenea vitio chili , aliorumque humorum , vel ingredi



gredi in massam sanguinis quocumque dato circulationum numero *in ratione aritmetica continua æquali*, vel *discreta inæquali*. Supponatur primo Elementa eterogenea ingredi in massam sanguinis in ratione aritmetica æquali, videlicet prima hora ingrediantur in massam sanguinis 10 grana corporum eterogeneorum; secunda hora 20, tertia hora 30, & sic successivè in tali ratione aritmetica, hoc certè spatio horarum 24 ingredientur in massam sanguinis grana 3000, seu scrupuli 150, nempè dracmæ 50, seu uncia 6  $\frac{2}{3}$ ; Quamobrem si canalium, reliquorumque organorum robur, & vis elastica glandularum separantium, actiones, & reactiones liberæ fuerint, & expeditæ, separandisque corporibus eterogeneis proportionales, utique separatis corporibus eterogeneis ab homogeneis in ratione æqualitatis fluidorum massa adhuc sana conservabitur, & quamvis impura, primæ tamen puritati opportuno tempore restituetur: Ceterum si organorum vis elastica, & canalium robur infirmum fuerit, aut in statu inertiae, aut nimis tensum, contractumque fuerit, & glandulæ separatrices obstructæ, aut saltem non ea habuerint momenta separandis corporibus proportionalia, meherculè cum corporum eterogeneorum gravitates non sint voluminibus suis proportionales, horum centra gravitatis non erunt eadem cum eorum centrīs magnitudi-

G num,

num, consequenter mutabitur naturalis reciproca proportio momentorum corporum componentium massam sanguineam: Porro cum impetus corporum eterogeneorum habeant rationem compositam ex ratione velocitatum, & voluminum, & horum pondera, velocitates, & volumina sint inæqualia, inæqualiter movebuntur corpora eterogenea, & hæc inæqualiter movebunt, & percutient ea, quibus undequaque occurrunt: sic ultrò inæqualiter urgebunt latera cordis, & vasorum continentium, & ab horum nisu elastico inæquali inæqualiter urgebuntur; Prætereà ab hisce vitiis corporum eterogeneorum, vasorum continentium, & glandularum, ineptè, aut ægrè separantium corpora eterogenea assymetrè mota, nec a glandulis opportunè separata in glandulis, & finitimis vasorum frustis lentiora fient; quambrem juxta superiores calculos gratia exempli expositos (etenim juxta majorem, aut minorem numerum, & gradum densitatis, crassitie, ponderis, & motus præternaturalis elementorum præternaturalium massæ sanguinis, proportionaliter quoque impediuntur, & obstruuntur citius, aut tardius, magis, aut minus majora, aut minora frusta vasorum evanescentium, & glandularum); si frusta vasorum fuerint numero 37 proximè, æquali ordine, ac tempore impedita, & obstructa a scrupulis 150 corporum eterogeneorum,  
tunc



tunc si tantus vasorum minimorum , & glandularum numerus fuerit naturæ gravis , ac molestus , ex abolito , aut saltem ex imminuto motu augentur contactus inter se , proinde densiora fient , crassiora , & graviora elementa eterogenea sanguinis , & per numerum 12 frigoris affectio supervenire incipiet : Ulterius delatis semper continuo circulationum numero filamentis eterogeneis ad extrema vasorum , & retardata in minimis canalium frustis , & glandularum areolis naturali velocitate sanguinis , filamenta feri , & crassamenti sanguinei cum gradum densitatis , crassitiei , & ponderis magis magisque acquirant , qui gradus resistantiam afferat advenienti sanguini , & determinata temporis mensura pressionem violentam efficiat contra contenta quæcumque corpora elastica , & non elastica , proinde frigoris sensationes sustineri , & augeri videbuntur ; Hæc autem pressio corporum elasticorum , & non elasticorum ultrò augetur a vi , & impetu sanguinis continuo supervenientis , & in minimis canalibus filamenta eterogenea resistantia percutientis ; ex hisce autem impulsibus magis densantur , uniuntur , & constringuntur corpora cujuscumque generis , usque dum cum eum gradum densitatis acquisitum corpora elastica amplius pati , ac sustinere non possint ( quod determinato semper tempore , ordine , ac mensura accidit ) , conantur tandem

aliquando objectas resistentias naturæ molestas undequaque evertere , ac superare ; Hinc dato tempore (per numerum 13) quaquaversus facto impetu , restitutoque [ut loquuntur] elaterio massam sanguinis urgent , & violenter succutiunt ; & sanè cum corpora elastica , & non elastica violenter , & diversimode determinatis temporibus compressa diversorum sint momentorum urgebunt quidem , & tangentialia quaecumque corpora urgebuntur in ratione composita ex massis , & velocitatibus , seu momentis dissimilibus , & inæqualibus eorundem ; corpora idcirco cujuscumque generis sine lege , ac ordine , determinatis solum temporibus mota cum præternaturali actione , & reactione inter se , naturalem pro eo tempore mixturem invertent , & juxta varias , ac dissimiles rationes momentorum corporum remissiori , aut intensiori agitatione , calore , ac æstu hac data temporis mensura per numerum 13 movebuntur : hinc calor summus , & febrilis incalescentia egros miserimè occupant , statutisque temporibus redeunt , ex præternaturalis materiæ restitutione per numerum 14 , talique ordine , ac successiva methodo denuò retardantur .

16. Itaque si tantus corporum eterogeneorum numerus , si tanta densitas , si tanta crassities , ac pondus eorundem in ratione aritmetica continua æquali crescentium gravi naturæ molestia cumulentur



lentur in sanguine, lymphæ, & succo nerveo, ut spatium horarum 24 semper retardentur velocitates sanguinis in tot, ac tantis vasorum minimorum frustis, in tot, ac tantis glandularum spatiis, ita ut etiam in majoribus frustis data ratione, ac tempore imminutæ reddantur velocitates massæ sanguinis cum determinata pressione corporum elasticorum, & non elasticorum, cum inæquali omnibus in locis actione, & reactione vasorum, & fluidorum, ex quibus vitiosæ, & ineptæ mixtiones superveniunt, tunc cum affectione frigoris per numerum 12, subsequente postea calore per numerum 13. *Quotidianæ febres homotonæ, & regulares* orientur; Quod si eterogenea elementa vitio chili, aliorumque corporum ingrediantur in massam sanguinis in ratione arithmetica continua æquali quidem, sed augeantur hæc dato tempore in tali ratione, ut prima hora ingrediantur gratia exempli 40 grana corporum eterogeneorum, secunda hora 80, tertia hora 120 ingressa sint in massam sanguinis, & sic successivè gravi naturæ molestia, minimorumque vasorum, ac glandularum impedimento æqualibusque temporibus cum retardatis proportionaliter fluidorum velocitatibus, iisdem quoque temporibus, talique compressione corporum elasticorum, cum præternaturalibus actionibus, & reactionibus organorum, & fluidorum, & præternaturali mixtione eorum-

Febres  
quotidi-  
anæ.

eorundem , tunc spatio horarum 12 , [ grana enim  
 3120 corporum eterogeneorum ingressa erunt in  
 massam sanguinis ] *duplex quotidiana febris regula-*  
*ris tamen , & homotona* cum frigore per numerum  
 12 , postmodum verò cum calore per numerum  
 13 exorietur . Ex his clarum est vitio chili , alio-  
 rumque humorum , si tantus corporum eteroge-  
 neorum numerus , si tanta crassities , si tanta den-  
 sitas , tantumque pondus naturæ grave , ac mo-  
 lestum cumulentur in sanguine in ratione aritme-  
 tica discreta inæquali crescendo , cum velocita-  
 tibus sanguinis sine ordine , loco , ac tempore re-  
 tardatis in minimis vasorum frustis , ac spatiis  
 glandularum , & cum inæqualibus loco , ac tem-  
 pore compressionibus corporum elasticorum , fiant  
 actiones , & reactiones præternaturales solidor-  
 um , & fluidorum , cum præternaturali miscel-  
 la eorundem loco , ac tempore inæquali , tunc  
 cum assymetris , irregularibus , inordinatisque fri-  
 goris accessionibus [ per numerum 12 ] , postmo-  
 dum verò cum calore [ per numerum 13 ] emer-  
 gent *febres quotidiana simplices , aut duplices &c.*  
*alteriusque generis , sed inæquales , inordinata , &*  
*assymetra* . Advertendum hic ob vitium lymphæ  
 quantitate , densitate , crassitie , pondere , ac mo-  
 tu assymetro peccantis supra æquas naturæ leges ,  
 cum glandularum , & minimorum vasorum Omen-  
 ti , & Mesenterii potissimum impedimento *lym-*  
*phati-*

Febris  
 quotidi-  
 ana du-  
 plex .

Febres  
 quotidi-  
 anæ in  
 æquales .



*phaticas* ; ac *lentas febres contumaci* *duratione* no-lymphatica.  
 ctu potissimum ob gravio<sup>rem</sup> Atmospheram in-  
 gravescere cum aliquali per dorsum refrigeratio-  
 ne , & inertia ad motum ; cum enim lymphati-  
 cus humor crassior , densior , & ponderosior sit  
 redditus , lentiori quoque motu progreditur : im-  
 minuto autem motu augentur fluidi altitudines ,  
 & lymphatica vascula continentia ad majorem su-  
 perficiem extendi debuerunt ; proinde , & adau-  
 ctō pondere , & adau<sup>cta</sup> superficie impediuntur  
 spatia , & naturales oscillationes , seu motus di-  
 stractionis , & contractionis fibrarum muscula-  
 rium , carniū , nervorum , & tendinum adja-  
 centium , ut aliqualiter refrigerari , & iners fieri  
 ad motum Animal debeat.

17. Quod si tantus numerus corporum etero-  
 geneorum chili , & bilis potissimum pondere , ac  
 motu naturæ molestus transferatur in massam san-  
 guinis in ratione aritmetica continua æquali , pa-  
 riterque præternaturales actiones , & reactiones  
 solidorum potissimum glandularum Hepatis , O-  
 menti , & Mesenterii , & fluidorum , nec non præ-  
 ternaturalia momenta eodem , aut simili loco va-  
 sorum minimorum producantur semper spatio ho-  
 rarum 48 , & sic successivè , & a principio unius  
 accessionis ad principium alterius semper interce-  
 dat talis , determinatusque numerus horarum 48 ,  
 utique *legitimæ febres tertianæ homotona* , & *regula-*  
*res* ,

Febres  
tertianæ  
legiti-  
mæ.

*ves*, cum frigore per numerum 12, postmodum  
Verò cum calore per numerum 13 violentissimè  
irruent. Ulterius si ea quæ supra diximus ingre-  
diantur in massam sanguinis in ratione aritmeti-  
ca discreta inæquali, hæc numero, pondere, ac  
motu, seu momentis inæqualibus agendo, & re-  
gendo, inæquali, varioque loco, ac tempore re-  
tardando velocitates sanguinis cum frigore per  
numerum 12, postea nisu, ac conatu corporum  
elasticorum cum calore per numerum 13. *tertianas*  
*febres aliquando simplices, aliquando duplices alte-*  
*riusque generis, sed inæquales, inordinatas, assy-*  
*metras* præternaturali mixtionis motu producent.  
Hic, & ibi plerumque primus paroxysmus tertio,  
secundus quarto respondent, & sic successivè al-  
terna, seu permutata ratione paroxysmi progredi  
consuecunt per numerum 14.

Febres  
tertianæ  
illegiti-  
mæ.

18. Simili methodo, ordine, ac lege remis-  
sioribus tamen symptomatibus, si tantus corpo-  
rum eterogeneorum numerus, si tanta crassities, si  
tanta densitas, tantumque pondus naturæ grave,  
& molestum, [quod potissimum evenire putan-  
dum ex prægressa æstivi temporis nimia particu-  
larum sulfurearum, balsamicarumque transpira-  
tione]; crescens in ratione aritmetica continua  
æquali, tali ordine, loco, ac tempore, ut spa-  
tio horarum 72 velocitates naturales fluidorum  
æqualibus locis, ac temporibus æquabiliter re-  
tardatę



tardatę sint in minimis vasorum frustis , spatiis-  
que glandularum , & cum æqualibus loco , ac tem-  
pore compressionibus corporum elasticorum fiant  
actiones , & reactiones solidorum , & fluidorum  
præternaturales , cum præternaturali mixtione eo-  
rundem , & sic successivè a principio unius paro-  
xismi ad principium alterius spatio semper hora-  
rum 72 progressio fiat , tunc cum frigore [ per  
numerus 12 ] deinde cum calore [ per numerum  
13 ] *febres quartanæ simplices* , & *homotonæ* erunt Febres  
quarta-  
næ sim-  
plices.  
producendæ : Verum si hæc , ac tanta ingredian-  
tur in massam sanguinis in ratione aritmetica di-  
screta inæquali , & subsequantur actiones , & re-  
actiones præternaturales inæquali ordine , variis in  
locis , variisque temporibus fiant paroxismi horis 72  
respondentes , cum retardatis velocitatibus fluidorū  
in frustis minimis canalium , & glandularum &c. ;  
utique cum frigore [ per numerum 12 ] accessiones  
quartanarum orientur , deinde ob vires , & cona-  
tus elasticos corporum elasticorum cum calore [ per  
numerus 13 ] febriliter supervenient : Hinc quar-  
tanæ febres evenient aut simplices , aut duplices Febres  
quarta-  
næ com-  
positæ.  
alteriusque generis , sed inæquales , inordinatæ , &  
assymetræ , talique ordine , ac methodo per nu-  
merum 14 erunt reducturæ .

19. Denique si hæc omnia accidant spatio ho-  
rarum 12 , aut 18 , aut 24 &c. ; ita tamen ut non  
amplius fiat paroxysmorum alterna , aut successi-

va progressio, nec ultrò redeat ingressus corporum eterogeneorum in massam sanguinis, cum totali, & omnimoda libertate sanguinis, & restitutione actionum, & reactionum naturalium &c. tunc cum frigore [ per numerum 12 ], postmodum cum calore [ per numerum 13 ] *febres ephemerae* modo leviores, modo graviores juxta quantitates, ac vires corporum eterogeneorum majori, aut minori momento incallescunt, quæ aut sudore, aut opportuna corporum eterogeneorum separatione redimentur.

Febres  
ephemerae.

20. Simili ratione quascumque ex intermittentium genere febres fieri judicandum probabiliter est; verum cum hujusmodi morborum genera pluribus symptomatibus gravari soleant, hinc raptim de his, quæ frequentius accidunt, nonnulla dicere consultum putavi. Dum itaque corpora elastica massæ sanguineæ antea violenter compressa in glandulis, minimisque canalium frustis, suos conatus elasticitatis compressionibus suis proportionales, quaquaversus exercent, agendo, & reagendo contra quascumque componentes particulas præternaturali elementorum componentium mixtione, & contra solida quælibet nervea lymphatica, venosa, & arteriosa cum æstu, & calore, ac motu violentissimo massæ sanguineæ universa diruendo; jure in tam violentis, continuisque particularum percussionibus, ac motibus corpora quæli-



quælibet massæ sanguineæ atteri, & in minimas partes, ac fortasse infinitè parvas dividi debent: cum enim in calore, ac febrili æstu agitationes, seu impressiones particularum sulfurarum, aliarumque elasticarum in cætera fluidorum corpora sint proximè in ratione composita ex duplicata velocitatum, & simpla densitatum particularum sulfurarum, aliorumque corporum elasticorum, constat quantum corpora quælibet componentia violentissimis actionibus, & reactionibus agitari, & in minima dividi debeant; etenim cum solida similia sanguinem componentia decrescant semper in ratione triplicata laterum homologorum, horumque superficies in duplicata tantummodò, cumque solida similia ejusdem generis sint ut pondera, non dubitandum ex tam diminutis solidis pondere, soliditate, & superficie ad milliares, & cutaneas glandulas deferri debere quantitate, ac velocitate, seu momento multo majori, quam par est, proinde hæc plus justo transpirare uberrimis sudoribus conabuntur [de qua re num. 42. secundæ Partis satis actum est]: Hisce autem transpiratis, velocitas fluidorum moderatur, & densitates mediæ fluidorum antea præternaturalium restituuntur; redit inde opportuna mixtio, & solidorum cum fluidis æquilibrium: tempore autem tanti motus, ac caloris tantarumque actionum, & reactionum præternaturalium

massæ sanguinis frequentissimæ succedunt jactationes, inquietudines, difficilesque respirationes, sed potissimum ægri acerrimè *sitiunt*; Id sanè evenit, cum nimirum portio non levis feri per sudores transpirati fluere debuisset per spatia glandularum linguæ, esophagi, & palati hæc undequaque madefaciens, verum tantæ transpirationis incommodo tot fluidis privata spatia linguæ, & palati, & fibræ glandularum opportuno liquido fraudatæ arefcere conantur, aridæ verò factæ contrahuntur, quo statu angustiora fiunt glandularum foramina, quinimò ablatis, aut imminutis momentis distractionum, & contractionum glandularum, aliarumque fibrarum inservientium, aut non adjuvant fibræ motum fluidorum, ut necessariam fluidi portionem excipiant, aut exceptam non promovent novam opportunæ partium irrigationi accomodam suscepturæ: Ulterius a filamentis eterogeneis massæ sanguinis sæpissimè obstruuntur glandularum salivalium spatia, impeditoque, aut saltem imminuto feri fluxu determinata fibrarum, & glandularum corrugatione *sitim* afferunt.

21. Præter hæc a febrili sanguinis motu dilatata inæqualiter vasa quælibet potissimum venæ, & arteriæ Meningum, has inæqualibus percussionibus violenter extendunt, extensæ inæquali diastole calvariam arietant *dolorem capitis* afferentes:



tes: Porrò cum curvæ Meningum fibræ ex nimio sanguinis motu violenter dilatatæ fiant segmenta majorum arcuum; momentum distractionis Meningum non erit æquale, aut proportionale momento constrictionis earundem, sed præpollens; proinde ex assymetra fluidorum velocitate per vasa Meningum naturales fibrarum anguli fient inæquales, ac dissimiles. Ob id mutabitur earum naturalis directio, & parallelismus cum assymetra distractione; & contractione earum, a quibus omnibus dolorem fieri, num. 8. Mechanicę Solidorum ostensum est; prætereà cum a glandulis Meningum in præternaturali motu, ac mixtione sanguinis separetur serum, peccans quantitate, superficie salium contentorum, ac motu eorum, ab his gravantur, percutiuntur, & stimulantur Meninges cum gravi, aut graviori capitis dolore; quinimò cum a continuis Meningum stimulis fibræ quoque medullares cerebri a Meningibus circumdatæ inæquales, continuasque sollicitationes, ac stimulos molesta communicatione excipiant, hæ medullares fibræ tantis tantisque motibus sollicitatæ sensoria actiuosa reddunt frequentissimis, minimisque oscillationibus, ut egri continuo *Vigiles* esse teneantur.

22. Nec dispar molestia occurrit sthomaco cum frequentissimè ab assymetris Meningum motibus communicata per nervos membranis sthomaci motuum

tuum assymetria egri a frequenti vomitu succutuntur ; præterquamquod impura corpora , asperarumque superficierum a glandulis stomachi separata , vel ex duodeno bilis ramenta sursum pulsa in ventriculum repetitis vellicationibus stomachi membranas sollicitando , mox stimulando , & momenta contractionis augendo vomitum afferunt.

23. Quia verò in febrium potissimum intermittentium declinatione excernuntur urinarum copiae aliquando cum levamine , si hæ fuerint ægri viribus , & naturæ morbi proportionales ; aliquando verò periculose , si supra vires morbi , & naturæ constiterint , hinc visum est rei nostræ opportunum brevi *urinarum separationes* expendere . Certum est in febrium augmento , ac statu , in quo sanguinis velocitas major est , aliquando summa , elementa eterogenea nimis confusa esse , & glandularum actiones , atque elasticitates assymetris momentorum gradibus oscillare , quo tempore nullatenus equa ratione separari possunt a glandulis viscerum similia corpora a dissimilibus ; æque nimirum separationes corporum similium a dissimilibus cum statutis temporibus , & equabilibus , placidisque motibus fluidorum , & glandularum fieri naturaliter debeant , ut ( pag. 29. primæ Partis indicatum est ) , nulla quidem actio separationis opportuna naturæ fieri poterit , nisi declinationis

tem-



tempore, quo velocitas sanguinis, & oscillatio solidorum naturali motuum momento accedunt: Verum quia aliquando accidit etiam declinationis tempore a renalibus glandulis tantam urinarum copiam separari, quæ viribus gravis, ac molesta naturæ *Diabetem* afferat, proinde juvat hic de tam gravi symptomate brevi differere. Ab adaucta velocitate sanguinis in febribus, a concitata actione, & reactione particularum massæ sanguinis, hujus filamenta, & reliqua componentia attrita nimis fiunt, & in partes infinitè parvas divisa: serum cum non equa, & opportuna mixtione cum reliquis massæ sanguineæ particulis reciprocè miscetur, liberiori motu fluit: Serum hoc copiosius, & velocius delatum in renales glandulas impetu summo urget internos parietes glandularum, cum verò impetus sit factum ex massa talis fluidi ducta in velocitatem, qua fluidum temporibus equalibus defertur, erit impetus tanti fluidi erumpentis per foramina arteriarum evanescentium in glandulas in ratione composita ex rationibus duplicata velocitatum, simpla densitatum, seu gravitatum specificarum, & simpla foraminum (a), e quibus erumpunt in glandulas definentes; Quamobrem si ceteris paribus Velocitas feri fluentis ab uno orificio vasis definentis in renalem glandulam in statu naturali fuerit  $u^2 = 4$

nempè

(a) Per Prop. 31. pag 214.  
Hermanni.

nempè in ratione duplicata radicis  $u = 2$  ; densitas verò , seu gravitas specifica feri fuerit  $= d$  ; foramen verò e quo erumpit serum in glandulam sit  $= o$  ; erit quantitas motus , seu impetus feri fluentis e glandula renali proximè ut  $u^2 \times d \times o$  . Ita si supponatur in statu febrili radicem Velocitatis massæ sanguinis augeri tantum in ratione tripla , ita ut etiam radix velocitatis feri separandi in glandula renali sit  $V = 6$  , densitas verò  $= d$  , seu gravitas specifica feri supponatur eadem in eodem sanguine , idemque pariter sit foramen , e quo erumpit equalibus temporibus  $= o$  , erit impetus feri fluentis in statu febrili proximè ut  $V^2 = 36 \times d \times o$  , tali ergo ratione fluens præternaturaliter serum ab orificiis singularibus vasorum evanescentium in spatia glandularum urgere debet singulos internos parietes glandularum singularibus momentis  $= 36$  . En ergo gravis , & molesta extensio , & dilatatio renalium glandularum . Cum verò quantitas , seu filamenta feri fluentis (a) equalibus temporibus per orificia vasorum in glandulas sint in ratione composita proximè ex rationibus orificiorum vasorum , & velocitatum feri fluentis , cumque impetus velocitatis naturalis suppositus fuerit  $= 4$  erunt ceteris paribus quantitates feri æqualibus temporibus delatæ momento velocitatis præternaturalis ut 36 proximè  
in

(a) Per Prop. 30; Hermannii  
pag. 214.



in ratione noncupla , ac fuerant in statu naturali. Glandulæ itaque taliter extensæ excipere proximè debebunt noncuplam quantitatem feri , verum cum hæ sint ex elasticis vasorum fibris , & ex elasticis membranarum filamentis elaboratæ , quorum opera constringi , si accadat ea ratione , qua fuerant dilatatæ , urgebunt momento adaucto constrictionis per glandularum foramina noncuplam, aut quasi noncuplam quantitatem feri iisdem temporibus ; En ergo excedens feri copia , & magna urinarum effusio , quinimò adeò aliquando excedens est , ut sæpius miratus sim naturalem feri quantitatem , & potiones ingestas longè fuisse superatas.

24. Tam grave mirandumque phænomenon Aeri potissimum deberi arbitratus sum , qui per pulmones , per ventriculum , per cibos , potiones continuo exceptus , & inde effusus in massam sanguinis tam gravia phænomena parit , ac sustinet : & sanè tantam aquarum copiam ab aere potissimum cumulari posse affabrè docet experimentum a Celeberrimo P. Lana expositum *cap. 15. sui Prodrumi*. Accipit enim Vas vitreum excavatum , & in formam Coni elaboratum , talique lege suspendit , ut vertex Coni vitrei pendulus , dorsum tendens sustineatur : Hoc vas nive , aut glacie repleatur , & Soli , aut quocumque loco calido exponatur , Aer continuo ambiens externam

Coni vitrei superficiem continuo densabitur ; & paulatim in pendulo vertice Coni undequaque collectus continuam aquam erit stillaturus , inclusa quidem nive , aut glacie parum , aut nihil imminuta : Hæc methodo perennem fontem generari posse , hancque aquam sanandis Hecticis utilissimam celeberrimus Auctor testatus est : Ab hujusmodi experimento necesse est colligere particulas quoque aeris in sanguinea massa undequaque exceptas , collectasque aliquando uniri , ac densari taliter posse , ut hæ continuam in aquam collectæ stillare coactæ sint ; tam mirandum opus fortasse futurum erit in sanguine , cum filamenta fluidorum massam sanguineam componentia enervato mixtionis naturalis vinculo laxa , attrita , ac resoluta nimis fuerint , ut opportuna , ac necessaria vi intimam mixtionem aeris cum reliquis particulis sustinere , ac conservare aptè non possint ; hæ nimirum aeris moles cum non intimè unitæ , nec ad minima cum singulis , ac reliquis massæ sanguineæ componentibus permixtæ esse possint , hæ necessariò unitæ sero supra cetera elementa naturaliter frigidiori majori , ac multiplici quam par est inter se contactu grandiores , & activiores fiunt , simulque supra naturalem numerum agglomeratæ , ac collectæ , proinde inter se nimis tangentes serum , cui miscentur numero , pondere , ac motu urgent , & augent ,



gent, & per laxatas, extensasque renales glandulas uberrima urinarum separatione excernuntur; cum verò semper continua aeris quantitas numero, pondere, ac motu excipiatur in massa sanguinis, hæc quoque continuò una cum sero per renales glandulas fluxura erit. Non rarum ultro est a *longa diarrhæa* torqueri ægros, ut excretiones longè superent quantitatem, ac pondus cibi, & potus, quibus vesci solent; Hujusmodi diarrhææ non semper ab assymetria humorum, sed potissimum ab aereis particulis non intimè, non perfectè commixtis cum reliquis, ac singulis massæ sanguinæ componentibus elementis generari solent; hæc nimirum aeris moles cum inter se uniri, colligi, ac tangentes inter se fieri nimis possint, ac densari, momento suo elastico intestina undequaque sollicitant, ac stimulant, quæ stimolata frequentissimis distractionis, & contractionis motibus oscillando, copiosius serum ab intestinalibus glandulis exprimunt, sicque unione facta cum separatis corporibus numero, pondere, ac motu longas diarrhæas sustinent, ac promovent. Hæc quæ de aere, & de momento ejusdem exposuimus non nova, neque improbabilia iis videbuntur, qui aeris momenta, & actiones in fluidis, quibus miscentur mechanica ratione cognoverint, cum apertum sit sedulo cogitantibus plurima morborum, & actionum phæ-

nomena Animali evenire ob incomprehensibile elastici aeris ministerium . Interim hoc unum addo me Lectoribus tædio esse futurum , si universa febrium intermittentium genera , si singula horum symptomata expenderem , cum ab iis , quæ huc usque dicta sunt , omnia , quæ supersunt ex solvi , & explicari facilè possint.

*Finis Secunda Dissertationis.*



DE





# DE FEBRIBUS CONTINUIS.

## DISSERTATIO TERTIA.

25.



Æpissimè intermittentes febres ablata, aut enervata densitate, crassitie, ac momento filamentorum massæ sanguinis, nec non corporum inertium, cum excessu momentorum corporum elasticorum habentium rationem majoris inæqualitatis respectivè ad momenta corporum inertium, in *continuas febres*, & aliquando in *malignas* mutari facilimè poterunt. Sæpè tamen primò insultu febrium irruunt continuæ, & graviore aliquando

quando culpa malignæ febres ægros enecant ; Quotiescumque aliquam ob causam , vel externam , vel internam , sive mixtam quantitates , & vires elasticæ corporum elasticorum numero , ac motu , seu momento reliquas particulas inertes , seu non elasticas superaverint , ut non solo nisu elastico inter se , sed concepto impetu agant vi , aut momento cujuscumque causæ externæ , aut internæ , aut mixtæ contra inertes particulas , & contra momenta distractionis , & contractionis vasorum , aliorumque solidorum conspirantium , tunc febres continuæ sine frigore erunt orituræ ; cum enim hic filamenta sanguinis , & reliqua corpora inertia nullatenus sint , quod attinet ad densitatem , crassitiem , & motum , reliquis particulis actuosis , seu elasticis proportionalia , cumque inertia corpora habeant numero , pondere , ac motu rationem minoris inæqualitatis respectivè ad momenta corporum elasticorum ( præternaturales etenim vires elasticæ corporum elasticorum nullo modo cohiberi possunt frenari , ac vinci per aliquam temporis differentiam a densitate , crassitie , ac momento corporum inertium ) , proinde sine frigore , sed solo cum calore irruent febres continuæ : Et sanè cum vires vivæ corporum elasticorum in statu naturali inertibus quoque corporibus momenta sua continua actione , & reactione elastici contactus communicent , & horum corporum



rum corporum elasticorum vires vivæ sint in ratione composita ex ratione simpla massarum , & ratione duplicata velocitatum (a), pariterque cum calor sint ut impressiones particularum corporis calidi in corpore calorem excipiente ; istæ autem impressiones sint pariter [per prop. 85. Herman- ni] in ratione composita ex duplicata velocita- tum , & simpla densitatum , seu massarum : ma- nifestum est ex harum rationum æqualitate , aut quasi æqualitate inter calorem , & vires vivas corporum elasticorum , has quoque cum calore esse copulandas , caloremque naturaliter esse pro- ducturas : Verum cum vires vivæ elementorum sanguinis in febribus sint præternaturales , nem- pè cum gravi excessu velocitatum crescentium in ratione duplicata earundem , futura erit aliquan- do velocitas sanguinis adeò excedens , ut arteria- rum orificia plus evomant temporibus æqualibus quantitatem sanguinis, quam orificia venarum tem- poribus quoque æqualibus excipere apta sint : pro- inde quantitates liquorum numero , pondere , ac motu nimis effusæ in carniū , membranarum, reliquorumque solidorum spatia , nec opportuno tempore , ac proportionali motu a venis exceptæ momento suo auferent , aut saltem enervabunt momenta distractionis , & contractionis fibrarum conspirantium motui sanguinis in finitima orifi- cia

(2) *Per Theorema 42. Volpii  
Mechan. pag. 594.*

cia venarum : retardato motu sanguinis lentescent elementa ejusdem , & paulatim statuta inflammatione *febres inflammatorias* erunt productura : Porro hæc vitia ultrò emergent , si consideraverimus volumina sanguinis in statu naturali , eademque in statu præternaturalis dilatationis : hæc enim duo volumina cum haberi possint ut solida similia , quæ inter se proportionem habent triplicatam laterum homologorum , erunt porositates , seu interstitia voluminibus interspersa lateribus solidorum homologorum proportionalia , quæ latera cum sint in ratione subtriplicata solidorum , erunt pororum amplitudines , seu particularum sibi invicem proximarum distantia inter se in ratione subtriplicata , seu ut radices cubicæ voluminum sanguinis , si ergo in statu naturalis dilatationis massæ sanguinis pororum amplitudines fuerint ut unum , in statu verò præternaturalis rarefactionis ejusdem voluminis sanguinis fuerint ut 3 , erit volumen sanguinis in statu naturalis dilatationis ad volumen ejusdem in statu præternaturalis dilatationis ut 1 ad 27 , seu ut Cubus ad Cubum ; Idem ergo volumen sanguinis , quod in statu naturalis rarefactionis occupaverat spatium cubicum ut unum , in statu præternaturalis dilatationis in febribus erit proximè in arteriis , ac venis , ceterisque carnum spatiis 27 spatia cubica occupaturum : cum itaque tot , ac tanta volumina cubica



cubica præternaturalia sanguinis nimia spatia repleant, nec tam promptè, ac facilè ab orificiis venarum communicantium excipi possint temporibus æqualibus, quibus volumina hæc tam copiosè, ac violenter ab arteriarum orificiis evomuntur, plurima quidem solida cubica sanguinis inter spatia arteriarum evanescentium, & venarum incipientium remanere debebunt numero, pondere, ac motu nutritioni partium inepta, nec motui per venas sequuturo opportuna: plurima <sup>Febres inflam-</sup> ergo solida cubica in tot spatiis otiosè lentescunt <sup>matō-</sup> firmabunt inflammationis exordia, febres inflam- <sup>riæ.</sup> matorias productura.

26. Hæc vitiosa, & lentescunt sanguinis volumina per poros carnum, membranarum, aliorumque spatiorum effusa, si per substantiam Hepatis effluant *Hepatitis*, si per Lienem, per Mesenterium, per capitis membranas irruant, harum partium *Erisipelata*, & *febres Eripelatosas* graviter afferent; si verò per stomachi substantiam, *Lypirias* febres gravissimo fato trahent. Inflammatoriis autem febribus lypiriis potissimum commune est, nervos membranas, & cetera solida crispare, ac convellere, vitium enim hoc esse debuit, ex succo nerveo impuro, salisque particulis nimis affecto, ex laxata mixtione naturali reciproca elementorum sanguinis falsa corpora molestè agere, & solidorum spatia, quibus aut

firmiter , aut lento motu adherent , vasorumque circumferentias , quas undequaque gravi sollicitatione tangunt , moleste sollicitare , ac stimulare : crispatis ergo convulsisque solidorum filamentis momentum contractionis solidorum præpollens fit , supra momentum distractionis eorundem ; ex tanta momenti contractionis præpollentia solida coguntur tonico velut motu consistere ; ex his fluida quælibet per vasa decurrentia , cum non ab æquabili motu reciproco distractionis , & contractionis vasorum , aliarumque fibrarum conspirantium non opportunè adjuventur , lentescere , & tardo quantumvis continuo febrili motu moveri conabuntur ; Ibi potissimum in externa videlicet corporis superficie , ubi vasa minima sunt , in quibus fluidorum motus naturaliter minor esse debet ; cum verò in canalibus , quorum diametri sunt majores , & cordi proximiores non ea acervari , ac cumulari possint filamentorum densitas , & crassities , quæ motum sanguinis ea lege tardiozem reddant sensationi frigoris interni producendæ proportionalem , cumque ulterius elastica corpora soluto jam mixtionis naturalis vinculo ob proximi cordis impetum motu continuo semper agant , & reagant , hinc in lypiriis exteriora frigere , interiora uri experimur . Cavendum hic ne a duritie , & consistentia pulsum sanis similibus decepti , ægros putemus minima , aut nulla



la febris laborantes, cum febres non tantum a præternaturali velocitate pulsuum, verum etiam a præternaturali tarditate fieri possint; affectiones enim cardiacæ, singultus, vomitus, jactationes continuæ, suspiria, anxietates, respirationis angustia, & aliquando lachrymæ involuntariæ, molesta membranarum, & nervorum sollicitatione, ac consensu majora prædicunt mala, quam convulsi pulsus indicare videantur.

27. Inflammatoriis febribus affines sunt febres illæ, quæ a Medicis *Malignæ* appellari solent, ita ut hæ ab illis non natura, sed gradu differre mihi visæ sint: Communiter a *dissolutione*, & *coagulatione* generatas Medici putaverunt; ex Chemicis enim edocti sunt spiritum nitri, & spiritum vitrioli, quorum singuli cum per se innocui sint, si tamen invicem misceantur tertiam quamdam substantiam, quam aquam stigiam dicunt eminenter, ac graviter dissolutivam componere experti sunt; Ita sulfureæ particulæ cum nitrosis, aut vitriolicis corporibus mixtæ tertium quoddam dissolvens compositum arsenicale elaborant, quamvis sejunctim sine culpa operentur. E contra eminenter coagulant aluminosa, & vitriolica opere Prismatum Octaedricorum, aut Parallelepipedorum Romboideorum, si supra numerum, pondus, ac motum sanguineo fluido misceantur: Cum itaque in massa sanguinis corpora fluant diversæ

Febres  
mali-  
gnæ.

superficieï , molis , ponderis , & figuræ , hæc cum per se actionibus naturæ proficere apta sint , si tamen accidat misceri aliquando inter se , & uniri particulis , quarum unio , ac complexus tertiam quamdam substantiam elaboret , quæ superficie , ac figura venefici corporis figuram , ac superficiem construat , non dubitandum a gravi horum magisterio massam sanguinis , aut dissolvi posse , aut coagulari . Cum enim horum momenta , ac vires sint nimis inæqualiter , ac nimis dissimiliter actuosæ contra naturalia momenta , ac vires corporum reciproca ratione miscibilium efficient hæc præternaturalia corpora contactus , & percussiones semper nimium inæquales , dissimiles , & asymetras usque dum dissolutione facta , aut coagulatione juxta naturas , ac momenta corporum , seu elementorum agentium ( effectus enim semper suis causis adæquatis proportionales sunt ) massa sanguinis maligna feбри , aut dissoluta coruat , aut coagulata : Hæ tamen febres quantumvis a dissolutione , & coagulatione partiri soleant , nihilominus si harum phænomena , & anomalix attentissimè expendantur pro potissima causa offerunt plerumque *dissolutionem texture sanguinis gravio-rem, quam in cæteris febrium generibus* , pro effectu verò *coagulationem* ; enim verò præter ea , quæ de causis febrium inflammatoriarum mox a nobis relata sunt , si aliquam ob causam sive internam , si-

ve



ve externam, five mixtam scindantur nimis, rumpantur, ac lacerentur filamenta massæ sanguineæ, ut omninò corruat unio, & nexus ille, quo componitur reciproca mixtio elementorum; quo nexu pariter elaboratur proportionalis status mixtionis feri cum ceteris quibuscumque elementis elasticis, & non elasticis, tunc *febres malignæ ex dissolutione* fieri abitrandum est: Verum cum taliter dissoluta textura sanguinis corpora elastica, & non elastica esse non possint inter se opportunè tangentia, ac mixta, corpora quidem elastica non satis, non aptè movere poterunt, ac urgere inertia corpora, seu non elastica, proindè corpora inertia nullo modo reagere opportunè poterunt contra corpora elastica, ut exigat naturalis, & æquabilis actio, & reactio corporum inter se reciprocè miscibilium; ob id ex omnimoda inæqualitate corporum inter se incidentium quocumque tempore semper inæquales, ac dissimiles fient anguli incidentiæ cum angulis reflexionum eorundem, aut ex nimio inter se contactu corporum, fient minimi, aut nulli anguli incidentiæ, & reflexionis; quapropter aut inæquales, & dissimiles semper evenient corporum impactorum, & retropulsorum velocitates, aut penè nullæ; proinde diversa, & dissimilia semper momenta, aut nulla contingere necesse erit: inertia ergo corpora, aut non opportunè, aut lente mota, & omnimoda

da inæqualitate percussa , nec cum elasticis aptè mixta , retardare motum , ac lentescere coacta erunt ; Id si eveniat in sinibus Meningum , aut in præcipuis spatiis membranarum , carniū , aliarumque intercapedinum gravi naturæ damno erit futurum ; En ergo a *causa dissolutionis* , sequens *effectus coagulationis* in aliqua parte. Opera igitur dissolutionis texturæ sanguinis pulsus fiunt languidi , & enerves , ex nervorum sæpissimè vasorumque paralyfi , vigiliæ , stillæ sanguinis e naribus , diarrhææ , dissenterix ; cum verò tam gravis sanguinis dissolutio id fecerit , ut hinc inde coagulationem sanguinis produxerit, eo tempore fient quidem pulsus duri , & convulsi , phrēnitides , affectiones letargicæ , linguæ aridæ , & siccæ , aliquorum membrorum convulsiones &c. & in utraque morbi differentia peticulæ , urinæ confusæ , ac turbidæ in conspectum se offerent . Fatemur tamen aliquando ex paralyfi vasorum , ex imminutis nimium viribus corporum elasticorum cum adaucta supramodum inertia , densitate , crassitie , ac pondere filamentorum , & corporum non elasticorum malignas febres ex coagulatione non tanquam ab effectu antecedentis dissolutionis, sed tanquam a primaria causa ob numerum particularum vitriolicarum , aut aluminosarum , præter ea quæ mox diximus dominantium , esse pariter orituras ; denique advertendum malignas febres  
cujus-



cujuscumque generis , aut debiliores , aut fortiores futuras esse juxta vires , ac momenta causarum [ aeris potissimum arsenicalibus particulis permixti ] diversimodè agentium in massa sanguinis.

28. Remanet Hectica febris inter continuas Febris  
hectica. deterior , licèt mitior ceteris esse videatur : hæc plerumque ab intermittentibus febribus , vel a continuis , vel male curatis , vel nimium productis ; pariterque ab obstructionibus viscerum , inertia , aut parvitate succi nervei cum naturali potissimum pulmonarium solidorum laxitate , & tenuitate oriri solet : nimius enim sudor in febribus continuis , & intermittentibus , nimia urinarum copia , aut diarrhœa , aut dysenteria &c. filamenta crassamenti sanguinei enervant , quibus laxatis , & enervatis evolant , & deperduntur elastica corpora sulfurea præcipuè , cum activiora , & mobilia sint ceteris , ut oleosæ urinarum guttule indicant : hisce ergo corporibus balsamicis depauperata massa sanguinis cogitur cum pulsu debili , ac celeri ineptè , lentè , & egrè misceri , minutoque febrili motu agitari : porro salia corpora numero , pondere , ac momento activiora , nec ab oleosis sulfurum superficiebus juxta reciproce mixtionis rationem opportunè involuta , ac lenita , circa proprios axes continuo rotando angulosis superficiebus filamenta crassamenti sanguinei

nei altè erodunt , ac lacerant : serum ulterius tot salibus ferax ab asperè arteriè glandulis , & a lymphaticis continuo fluens in pulmonaria spatia, hæc continuo sollicitando , ac stimulando molestam tussim producit ; quinimò sæpè , ac sæpius a numero , pondere , ac momento serositatum salfarum continuo fluentium in pulmones , erosa pulmonum filamenta cum respiratione difficili insanabile ulcus afferunt ; Seri quoque falsi copia , & attrita jam filamenta sanguinis , utraque opportunè mixtioni inepta , nec aptè nutritioni accommoda immodicis sudoribus exeunt , usque dum deficientibus balsamico sulfure , ac dulci sero medullæ ipsè ossium , muscoli , carnes , & cutis ipsa vitæ resolutione arefcant.

29. Cum in febribus molestissima sitis egros ferè semper torquere soleat , hac data loci opportunitate non spernendum consilium est rationem , & qualitatem potus expendere , ne egri qualitate , & quantitate decepti ingravescant : hoc ultro necessarium putavi , cum nonnulli Celeberrimi Viri copiosè , & frigidissimæ aque potum consulere audacter voluerint , quibus Celeberrimus Vallifnerius Præceptor meus tanta ratione , doctrina , & practicis experimentis obstitit , ut nil melius , nil utilius , nil fortius dici possit : cum tanto itaque Præceptore pauca , sed opportuna dicere animus est , ut copiosè , & frigidissimè potionis  
damna,



damna , nec non beneficia potus calidi innotescant . Primo itaque fluida frigidissima , & copiosa vi *ponderis* altè premunt stomachi fundum ; vi autem *frigoris* fibræ stomachi contrahuntur , ac crispantur ut num. 6. *Mechan. Solidor.* satis ostensum est , & ultrò stomachi spatium minori superficie circumscribi tenetur : cum verò subitanæ pressiones , & contractiones fibrarum , seu momenta contractionum præpollentia auferant , aut saltem imminuant momenta distractionum earundem , nulla quidem aut iners fiet actio oscillatoria filamentorum stomachi , quæ ultrò communicata sanguini per venas , & arterias stomachicas motum hujus , vel imminuet , aut tollet , & sæpè , ac sæpius ab imminuto , aut ablato motu parta inflammatione *Lypiria* elaboratur . Secundo , a pressione , & frigore ingestarum potionum succi dissolventes a glandulis ventriculi separandi , parta glandularum inertia , quodāmodo stagnant , immo impediunt , ne novi dissolventes succi opportunè separati necessariam ciborum solutionem promoveant , quinimò peristaltico motu Ventriculi , aut imminuto , aut lèso non ultrò promovetur ingesta , sed diutius retenta accessent , & corrumpentur dolore stomachi molestissimo . Tercio , in frigidissimis potionibus particulæ aeris contentæ , nec non in cibis , & potionibus , & hæ in ventriculo contracto collectæ durante frigoris

L

momen-

momento, ab hoc compressæ fiunt, & contrahuntur in minora volumina; paulatim verò a calore viscerum, circumscribentium coguntur expulso frigore quamproximè rarefieri in ratione composita densitatum aeris, densitate corporum calidorum agentium, & ex duplicata ratione agitationis corporum eorundem; cum verò vires elasticæ aeris quaquaversus expandi debeant, manifestum est ex tam adauctis rarefactionum viribus summo nisu, ac momento membranosos Ventriculi parietes, jam jam contractos per quamcumque directionem arietandos, ac percutiendos fuisse, ut dolores, ac tormina, convulsiones aliquando acerrimè superveniant: ab hisce doloribus, ac torminibus ultrò augetur fibrarum contractio, impeditoque, aut imminuto per gastricas venas, ac arterias sanguinis circulo facilimè supervenire Lypiriam necesse est. Quarto, contractis stomachi fibrillis, & nimis refrigerata Ventriculi superficie, hepatis quoque superficies partim contactu, partim consensu contrahitur, & frigescit, ob id glandulæ hepaticæ lentiori motu agentes separationi corporum egrè obediunt, & obstructæ tumores, scirrhos, inflammationes facilè generant; proinde praxi medica experti sumus in febrili frigoris accessione aquam quantumvis non frigidissimam incautè nimis epotam obstructiones in visceribus stomacho adjacentibus, aut consentientibus facilimè attulisse, ex similibus



milibus enim potionibus contractis Ventriculi membranis, & consensu fibrarum, membrarumque conspirantium communicata contractione glandulis viscerum adjacentium Hepatis videlicet, Lienis, Omenti, & Mesenterii &c.; hæ pari lege contractæ, crispatæque, non ea momenta distractionis, & contractionis naturalia exercere possunt opportuna æquis motibus, justisque separationibus fluidorum: quamobrem homogeneæ fluidorum particulæ cum eterogeneis commixtæ, ac confusæ in glandulis viscerum, aut lentè separabuntur, aut consistent, ut gravissimis tumoribus indurescant.

30. Hisce itaque vitiis fluidorum, & solidorum reparaturus Celeberrimus Vallisnerius moderatè calidorum, aut tepescentium fluidorum usum sapienter consuluit, quorum opera momenta distractionis, & contractionis fibrarum omnium in ratione homologa agunt, & reagunt, promoventur separationes corporum, sanguinis circulus sustinetur, & universale stomachi magisterium roboratur: fatetur tamen Immortalis famæ Præceptor aliquando frigidissimas potiones concedi posse, dummodo ætas, temperies, & calidissima temporis, & morbi constitutio permittant, sed cautè, opportunis temporibus morbi, & debita quantitate, ac pondere tam grave suspectumque negotium agendum esse utilissimo tra-

## 84 *Mechanica Morborum.*

Statu edocuit . Imposterum *Mechanices Remediorum* studio , ac labore exaratae Deo juvante viam aperiemus.

**F I N I S.**

IN-





# I N D E X.

## A

- A** *Er potest esse causa Diabetis , & Diarrhea .* Pag. 65. & seq.  
*Aqua frigidissimæ potus damnatur .* 81.  
*Quando permitti possit .* 83.

## C

- C** *Alor præternaturalis in sanguine quomodo fiat .* 40. & seq.

## D

- D** *ivisio Februm in intermittentes , & continuas .* 6.  
*Dolor capitis in febribus .* 60.  
*Diabetis causa .* 62.

## E

- E** *quilibrum mixtionis massæ sanguinis quid sit .* 61.  
*Elementa actiosa , & elastica quænam sint , & elementa inertia quænam .* 7.  
*Elementa inertia majoris inæqualitatis respectu corporum elasticorum cohibere possunt elementa elastica minoris inæqualitatis per aliquam temporis differentiam .* 38. 39.  
*Elementa elastica majoris inæqualitatis respectu corporum inertium minoris inæqualitatis nullo modo frenari possunt a*  
*corpo-*

corporibus inertibus , unde fit calor sine frigore in febris  
 bus continuis.

70.

## F

<b>F</b> ebrium definitio.	2.
Febres fiunt a vitio mixtionis elementorum sanguinis.	4.
Fluida alia sunt homogenea , alia eterogenea.	15.
Frigoris causa in febris.	31.
Febriles accessiones cur statutis temporibus redeant.	44.
Febres Organicae quatenam sint.	29.
Quotidiana regulares.	53.
Quotidiana duplices.	54.
Lymphaticae.	55.
Tertianae regulares.	55.
spuriae.	56.
Quartanae legitima.	57.
spuriae.	57.
Ephemerae.	58.
Continuae.	70.
Inflammatoriae.	72.
Erisipelatosae.	73.
Lypiriae.	73.
Malignae.	75.
Hecticae.	79.

## G

<b>G</b> ulielminus laudatus.	7.
-------------------------------	----

## H

<b>H</b> ermannus Jacobus laudatus.	7.
Hepatitis.	53.

## L

<b>L</b> ana Franciscus laudatus.	65.
-----------------------------------	-----

Media



## M

**M**edia densitas, media crassities, medium pondus debent esse in statu naturali sanguinis. 14.  
 Michelottus Petrus Antonius laudatus. 34.  
 Morgagnus Joannes Baptista laudatus. 37.

## N

**N**euutonius laudatus. 16.

## O

**O**scillatio solidorum juvat, ut minimi canales aperti teneantur. 8.

## P

**P**otiones frigidae cur damnentur in accessione frigoris. 32.

## R

**R**atio reciproca momentorum corporum elasticorum, & non elasticorum sanguinis; vel reciproca massarum, & velocitatum corporum eorundem; Ut Lectorem monuimus, & pag. 3. 4 16.  
 Item ratio homologa fluidorum, & solidorum 16. & 29.  
 Pariter ratio homologa momenti distractionis, & contractionis vasorum servandae sunt in statu naturali sanguinis, & naturali mixtione ejusdem. 28. & 29.

## S

**S**anguis in febris non semper peccat velocitate, sed tarditate. 5.  
 Sanitas in quo consistat. 29. & 30.  
 Sudores in febris. 59.  
 Sitis in febris. 60.

## V

**V**igiliae in febris. 61.  
 Vomitus. 62.  
 Vallisnerius laudatus. 80.

F I N I S.

# ERRATA. CORRIGE.

Quodammodo	Pag. 1	Quodammodo
redduntur	5	reddunt
eorundem	6	eorundem
contractionis	12	contractionis
sistole	16	fyistole
dillatationem	17	dilatationem
ditrahentur	20	distrahentur
periferiæ	21	peripheriæ
unimode	22	unimodè
relinquimus	33	relinquimus
stomaco	61	stomacho
dersum	65	deorsum
hæc methodo	66	hac methodo
(præternaturales etc- nim vires &c.)	70	præternaturales ideo vires &c. dempta pa- renthesi.

*Errores patienter corrigat  
Lector Benevolus.*



## *Notæ addendæ .*

Pagina 50. linea 26. vasorum evanescentium, & glandularum *adde* Cum scrupuli 150. sanguinis ingressi in massam ejusdem spatio horarum 24. divisi per scrupulos 4. iam contentos in frusto conico canalisi minimi in glandulam evanescentis, apti sint obstruere, & impedire proximè frusta 37. canalium minimorum similium, & æqualium canali super exposito, proculdubio si frusta vasorum fuerint &c.

Pag. 75. linea 19. componere experti sunt *adde* componere ultro experti sunt.

Pag. 77. linea 21. reflexionum eorundem *adde* proinde cum corpora elastica nimis præpollentia corporibus non elasticis misceri nullo modo reciproca ratione possint, elastica corpora a non elasticis præpollentia momentorum separari continuo conabuntur: inertia inde corpora ab elasticis paulatim sejuncta nimis inter se unientur, hoc autem amplexu graviora reddita lentescant, majoremque elasticis corporibus resistantiam ferent, aut ex nimio inter se &c.

## **E R R A T A**

Thæeteto pag. 2.  
Solidis angulis pag. 32.  
Crescens pag. 56. linea 25.  
Febriliter pag. 57.  
Motu reciproco pag. 74. linea 10.

## **C O R R I G E**

Thaeteto  
variis angulis  
Crescant  
Febriles  
Motu homologo



















